

# **REFERAT AIA - Aningaasaqarnermut Inuussutissarsionermullu Ataatsimiititaq d. 10-12-2020**

**Mødedato** Torsdag d. 10. december 2020 kl. 18:00

**Mødested** Kommunalbestyrelsesip ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Digitaliseriineri periusissaq - Kommuneqarfik Sermersooq.....	7
Ineriartortitsinissamut pilersaarut pillugu killiffimmik nalunaarusiaq.....	10
Aalajangiiffigisassat.....	14
Nuup avataani atorfinitsitsinerit sulisorinniinnarniarnerillu.....	15
Suliffeqarnermut Isumaginninnermullu Ataatsimiititap angalaneranit nalunaarusiaq.....	19
Nunaqarfinnut aningaasaliissutit.....	22
Suliat Kommunalbestyrelsimut ingerlateqqitassat.....	32
Qaqqami annaassiniarneq.....	33
Qeqertarsuatsiaat atuarfiannik nakkutilliiartornermit nalunaarusiaq.....	38
Ulluunerani paaqqinnittarfinnut nakkutilliiineri nalunaarusiaq.....	42
Nanu Travel 2021-imi kiffartuussinissamik isumaqatigiissuteqarfigineqarnera.....	46
Tasiilaq pillugu tamakkiisumik pilersaarutip inaarutaasumik akuersissutigineqarnera.....	50
2021-mut Eqqakkat pillugit malittarisassiat nutaat.....	54
Nuummi bussit unittarfiini utaqqisarfiit.....	58
Sumiiffinnik Aqquserngillu Taaguutaannik Siunnersuisoqatigiit.....	62
Ittoqqortoormiini atuartunut paaqqinnittarfik (AKO).....	66
Kapisilinni atuartunut paaqqinnittarfik (AKO).....	69
2021-mi Suliat allaaserineqarneri.....	72
Taasariaqartut allat.....	75
Lukket.....	76
Lukket.....	77
Imaqarniliap akuerineqarnera.....	78

## **Punkt 0: Saqqaa**

### **Ilaasortat**

Charlotte Ludvigsen (IA), *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Justus Hansen (D)

Jens Kristian Berthelsen (S)

Peter Davidsen (S)

### **Beslutning**

Ataatsimeeqataasut: Charlotte Ludvigsen (IA), Peter Davidsen (S) aammalu Jens Kristiansen Berthelsen (S)

Oqarasuaatikkut: Harald Bianco (IA), Charlotte Pike (IA), Henrik Rachlev (IA) aammalu Justus Hansen (D)

# **Punkt 1: Oqaluuserisassat akuersissutigineqarneri**

## **Beslutning**

Oqaluuserisassat akuersissutigineqarput.

Charlotte Pike (IA) oqaluuserisassap 05D suliarineqarnerani suliamut attuumavallaarnerarluni nalunaarpoq.

## Punkt 2: Nalunaarutit

### 1. Siulittaasumit nalunaarutit

#### Beslutning

1. Decembarip ulluisa aappaanni Aningaasaqarnermut Inuussutissarsiornermullu Ataatsimiititaq Paamiuni innuttaasunik ataatsimiititsivoq. Takkussuuttoqarluarpoq.
2. Inuussutissarsiuteqarfinni siuttut inuussutissarsiornermilu siunnersuisoqatigiit amerlasuut siunissami Nuummi ineriartortitsiviusinnaasut institut for fremtidforskningimeersumit saqqummiunneqartut G-20-mi suleqatigiiffiusumut uiggiulugu workshoppertoqarnerani decembarip ulluisa pingajuanni soraareernerup kingornagut ataatsimiititsisoqarpoq, tassanilu workshoppenermi eqqartorneqartut saqqummiunneqarlutik. Workshoppenermit misissueqqissaarineq angusallu siunissami Nuuk pillugu illoqarfiullu suup tungaanut ingerlaqqinnissaa pillugu eqqartueqatigiinnissamut aqutissiusseqataalluarput. Upernaamut angusarineqartut illoqarfiit pingaarnersaanut periusissiaq ilanngullugu kommunip inuussutissarsiuutit pillugit periusissiaata suliarineqarnissaanut najoqqutarineqassapput. Suliap ingerlanneqarnissaa inuussutissarsiornermut siunnersuisoqatigiinnit aallartinneqarpoq, Inuussutissarsiornermullu immikkoortorta qaaqissuussisuuvoq .
3. Decembarip ulluisa pingajuanni kommunalbestyrelsimut ilaasortat Nuummiittut Tele-Post-imit qaaquneqarlutik Katuami kaffillernertalimmik isiginnaarutikkut nappaanersiornermi peqataapput. Tassunga pissutaavoq Tasiilami nutaamik Satellitsiliortoqarsimammat, satellitseqarfiusuni internetsikkut attaveqaatinik pitsaanerulersitsisussamik.
4. Borgmesteri ulluni 8. aamma 9. decembari Kommune Kujalleri borgmesterimit, Qeqertallip Kommuniani borgmesterimit, Qeqqata Kommuniani borgmesterimit aamma Avannaata Kommuniani borgmesterip tullianit tikeraarneqarpoq. Namminersorlutik Oqartussat inissiaataasa kommuninut tunniunneqarnissaat sammineqarput. Tamatuma saniatigut Isumaginninnermut Naalackersuisoqarfiup aamma Aningaasaqarnermut Naalackersuisoqarfiup suliffeqanngikkallarnermi ikiorsiissutit aamma pisortanit ikiorsiissutit pillugit aaqqissuusseqinnissartik pillugit saqqummiipput. Sammisarqarpoq borgmesterit aamma Aningaasaqarnermut Naalackersuisoqarfiup tamanut tapiissutit isumaqatigiinniutigineqarneri pillugit ataatsimiinnermik naggaserneqarpoq.

## **Punkt 3: Ilisimatitsissutit**

## **Punkt 03A: Digitaliseriineri periusissaq - Kommuneqarfik Sermersooq**

### **Beslutning**

Ilisimatitsissut tusaatissatut tiguneqarpoq.

### **Bilag**

Digitaliseeriinermut periusissiaq

Iliusissatut pilersaarutit

Periusissiap saqqummiunneqarnera (siammasissumik)

## **Digitaliseriinermi periusissaq - Kommuneqarfik Sermersooq**

Innuttaasut suliffeqarfiillu atugarissaanerulernissaat kiffartuulluarneqarnissaallu

Ilisimatitsissut

J.nr.:02.02.00.20

Suliffeqarfimmut Kiffartuussivik, Vicekommunaldirektøri Marie Fleischer / MAFL

### **Suliassamik eqikkaaneq**

Kommunimit aallunneqartoq tassaavoq, digitaliseeriineq naleqassutsimik, qaffariartornermik, pisariillisaanermik peqatigitillugulu innuttasut digitaliseeriinernut tatiginninnerulersinnissaat pilersissallugu. Tamanna erseqqissunik siuarsaanikkut ingerlanneqassaaq. Digitaliseriineq kommunip sullissineranik qaninnerulersitsissaaq, ajornannginnerusumillu ataqatigiissitsinerulerluni. Anguniarneqartoq tassaavoq, ajornanngitsumik pisariitsumillu allaffeqarfimmi aqutsinissaq.

### **Inassuteqaat**

Suliffeqarfimmut Kiffartuussiviup Aningaasaqarnermut Inuusutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Sulisut aammalumi inuiaqatigiit tamaasa eqqarsaatigalugit inuiaqatigiinni digitaliseriisoqarnissaanik kissaatigisaqaleriartortillugit uagullu kommunitut innuttaasut digitalikkut sullissinnaalerneranni, Kommuneqarfik Sermersuumi digitaliseriinissamik periusissami alloriarneq siulleq novembarip ulluisa pingajuanni 2020 pisortaqatigiinnut saqqummiunneqarpoq, taakkulu periusissiaq taassuminngalu suleriaaseqarnissaaq akuersissutigaat.

Periusissiamik suliaqarnitsinni takorluukkavut tassaapput, digitaliseeriineq naleqassutsimik, qaffariartornermik, pisariillisaanermik peqatigitillugulu innuttasut digitaliseeriinernut tatiginninnerulersinnissaat pilersissallugu. Digitaliseriineq kommunip sullissineranik qaninnerulersitsissaaq, ajornannginnerusumillu ataqatigiissitsinerulerluni. Taamaattumik kommune tamakkerlugu soqutigisallit tamarmik pitsaanerpaanik atugassaqartinneqarnissaat siunertaralugu digitaliseriinissaaq eqqarsaatigineqarpoq, peqatigitillugulu allaffissornikkut ajornanngitsumik pisariitsumillu ingerlatsinissaaq pilersillugu.

Periusissiaq tamakkiisoq pingasoqiusanngorlugu ingerlanneqassaaq, periusissiallu ilaani uani sulisut akornanni digitaliseriinermik "paasinnilersitsinissaaq awareness" pineqarpoq, immikkoortuata aappaani sammineqassallutik systemit qarasaasiatigullu atortut pigineqartut, immikkoortorlu kingulleq innuttaasunut tunngatinneqassalluni.

Periusissiap ilaani matumani sulinermi pingasoqiusamik sulinissaaq siunniunneqarpoq:

- Qarasaasianik pitsaaneruserusumik atuineq
- Ingerlatsivinni tamani atuuttuulersitsineq
- Ingerlatsiviit akornanni suleqatigiilluarneq innuttaasunillu pitsaasumik sullissineq

Kommuneqarfik Sermersuumi, nuna tamakkerlugu digitaliseriinissamat periusissamat atatillugu, Namminersorlutik Oqartussat kommunillu allat suleqatigalugit akisussaaffitsinnik tigusivugut. Kommune periusissami iliuusissatut pilersaarutit suliarineqarnerini aalajangiussat malinneqarnissaat anguniarneqarnissaallu pillugit aalajangersimasuusaaq, nammineq atuutilersitsinissat qulakkeerneqarnissaat qitiutillugu aallussaarluni.

Kommuneqarfik Sermersuumi IT-mik atuineq ulluinnarni suli annertunerulersissavarput. Tassa ingerlatsiviit sinneri digitaliseriinermit ilanngukkiartortinneqassapput ulluinnarni sungiusimasat qitiutillugit, suliffeqarfimmut kiffartuussivik ikiorsiullugu.

Periusissiap atuutilersinneqarnissaa pisortaqatigiit eqqumaffigissavaat. Ingerlatsiviit, illoqarfiit nunaqarfiillu tamakkerlugit atuutilersitsiffiqineqarnissaat periusissiami anguniarneqarpoq. Ingerlatsivinni tamani suleqatigiissitaliortoqarnikuuvoq, ingerlatsivinnut ataasiakkaanut iliuusissatut pilersaarutiniq ilusilersueqataasunik.

*Aaqqiissutissatut siunnersuut – suliatigut naliliineq*  
Iliuusissatut pilersaarutini suliasat suliarineqassapput.

*Aningaasatigut sulisoqarnikkullu naliliinerit*  
Suliffiup iluani sulisunik atuinerup saniatigut, digitaliseriinissamik periusissiaq aningaasartuuteqarfiussanngilaq.

*Inatsisitigut tunngavissaq allakkallu tunngaviusumik uppersaatitallit*  
○ Kommuneqarfik Sermersuumi digitaliseriinermit periusissiaq

*Ingerlariaqqinnissaq*  
Iliuusissatut pilersaarutiniq suliaqarneq aatsaat ukiuni nutaamik aallartissaaq.

**Aningaasaqarnermut Allatseqarfimmit oqaaseqaatit**  
Oqaaseqaateqartitsisoqanngilaq.

**Innuttaasunik peqataatitsineq/attaveqatigiinneq**  
Piffissami matumani periusissialeriffiusumi pisariaqanngilaq.

**Ingerlatsivinnit allaniit oqaaseqaatigineqartut**  
Ingerlatsivinni tamaniit suleqatigiissitat peqataatinneqarnikuupput, ingerlatsiviillu tamarmik immikkut imminnut liuusissatut pilersaarusiortifigalutik.

## **Ilanngussat**

1. Digitaliseeriinermit periusissiaq
2. Iliuusissatut pilersaarutit
3. Periusissiap saqqummiunneqarnera (siammasissumik)

## **Punkt 03B: Ineriartortitsinissamut pilersaarut pillugu killiffimmik nalunaarusiaq**

### **Beslutning**

Ilisimatitsissut tusaatissatut tiguneqarpoq.

### **Bilag**

2020-mi kvartalit pingajuanni killiffik pillugu nalunaarutit 13-iat

Suliassanut pilersaarut 2017-2020 (nutartigaq)

Killiffik pillugu nalunaarusiami Deloitteq oqaaseqaatai

# **Ineriartortitsinissamut pilersaarut pillugu killiffimmik nalunaarussiaq MI 2017-2020**

13 Killiffik pillugu nalunaarussiaq, kvartalit pingajuat 2020

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

## **Suliassamik eqikkaaneq**

MI-p ineriartortitsinissamik pilersaarutaanut 2017-2020-mut tassanilu suliarineqartussanut tunngatillugu Meeqqanut Ilaqutariinnullu Ingerlatsivik 2020-mi kvartalit pingajuanni killiffik pillugu nalunaarusiortoq.

Killiffimmik nalunaarussiaq suliarinerani siunnersuinikkut ilitsersuinikkullu Deloitteping ingerlatsivik suleqatigivaa.

2020-imi kvartalit pingajuanni killiffik pillugu nalunaarussiaq pingasunut avinneqarpoq:

- Ingerlatsiviup killiffik pillugu nalunaarussiaq
- Suliassat pillugit pilersaarut nutartigaq
- Deloitteping innersuussutai:

Suliaq Meeqqanut Ilaqutariinnullu Ataatsimiititami 3. decembari 2020-mi oqaluuserineqarpoq, ataatsimiititap ilisimatitsissut tusaatissatut tiguua suliarlu Aningaasaqarnermut Inuussutissarsiornermullu Ataatsimiititamut ilisimatitsissutit ingerlateqqillugu.

## **Inassuteqaat**

Meeqqanut Ilaqutariinnullu Ingerlatsiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguueqassasoq

## **Suliassamik saqqummiussineq**

Piffissami meeqqanik angerlarsimaffiup avataanut inissiisarneq annertuumik isiginiarneqarpoq. Inissiinerit arlallit soorlu ulloq unnuarlu paaqqinniffimmit malinnaaviginninnermut imaluunniit ulloq unnuarlu paaqqinniffimmit ilaqutariinnut paarsisartunut allanngortinneqarsimapput. Tamanna ilutigalugu ilaqutariinnut angerlarsimaffiup avataanut inissiinissamik pinngitsoortitsiniarfiusunut pitsaaliuinikkut suliniutit isiginiarneqarnerulerput.

Nuummi inuusuttut pinerlunniartartut Ingerlatsiviup suliaasa annertusinerinik kiisalu oqartussaaffeqarfiup suliniuteqarfiullu akornanni suleqatigiinnerup annertusisariaqarneranik kinguneqartitsipput.

Tasiilami meeqqat inuusuttullu unammilligassatigut aqqusaartagaannik qitiutitsisumik meeqqanik inuusuttunillu ataatsimoortunik pilersitsisoqarpoq. Taamatutaaq Tasiilami meeqqanut inuusuttunullu pitsaaliuinnermut tunngasunik aqqiussuusoqarpoq. Ilaqutariinnut paarsisartunut siunnersortit suliani uppernarsaatit tamaasa iluarsineqarnissaat siunertaralugu Tasiilami ilaqutariinnut paarsisartunut suliat tamaasa misissorsimavaat.

Kommuneqarfik Sermersuumi Meeqqanut Ilaqutariinnullu Ingerlatsivik suliniummik tunngavittut "isaaffimmik-ataasiinnarmik" innuttaasut innarluutillit kommunimut saaffiginnittarnerisa ajornanninnerulertinnissaannik siunertalimmik aallartitsivoq.

Kalaallit Nunaanni Peqqinnissaqarfik Kalaallillu Nunaanni Politiit suleqatigalugit Meeqqanut Ilaqutariinnullu Ingerlatsivik kommunimi upalungaarsimasunik Nuummi meeqqanik inuusuttunillu kinguaassiutigut atornerluinermik suliani atorneqartussanik ineriartortitsinermi siuttuvoq.

#### *Aaqqiissutissatut siunnersuut – suliatigut naliliineq*

Killiffik pillugu nalunaarussiaq tunuliaqutigalugu Deloittep tulluuttut innersuussutigai:

- Qaammatip aallartinneri tamaasa suliat amerlassusiisa naatsorsorneri ikiorsiullugit suliat malinnaaffiginerat annertunerulersinneqassasoq innersuussutigineqarpoq. Taamatuttaaq suliat malinnaaffiginerat ineriartortitsinissamut pilersaarutip anguniagassatut kisitsisitaanut naleqqussarneqartariaqarput
- Suliat pillugit siunnersuinissamik pisariaqartitsinermik qulaajaaneq.
- Suliat 2020-mi juulip aallaqqaataa sioqqullugu pilersinneqartut suliat amerlassusaannik kisitsisillu anguniagassat anguneqarsimanerinek takussutissaqarniassammat anguniagassatut kisitsisini suli qitiutinneqassasut. Ingerlatsiviup aqutsinermik nakkutilliineranut ataqatigiissakkamik naatsorsuineq isigineqassasoq innersuussutigineqarpoq.
- Ingerlatsivik anguniagassatut kisitsisit anguniarlugit qanoq iliuseqassanersoq allassimasariaqarpoq.
- Aqutsinermik nakkutilliinissap qanoq ililluni ingerlatsivimmit tunngavilersorneqassanersoq aalajangiiffigineqassasoq kiisalu aqutsinermik nakkutilliinerup aaqqiissuunneqassasoq innersuussutigineqarpoq
- Siusinnerusukkut innersuussutigineqarsimasut innersuussutigineqarput, soorlu: suliunnaarnermi oqaloqatiginninnerit, sullissinermut anguniagassatut kisitsisinik nutaanik aalajangersaaneq kiisalu sulianik aqutsineq suliniummik aqutsinissamut periarfissaqartitsillunilu sullissinerup sunniutaanut naatsorsuisitsisinnaasoq.

#### *Aningaasatigut sulisoqarnikkullu naliliinerit*

Soqanngilaq.

#### *Inatsisitigut tunngavissaq allakkallu tunngaviusumik uppemarsaatitallit*

- Ineriartortitsinissamut Pilersaarut MI 2017-2020

#### *Ingerlariaqqinnissaq*

Ineriartortitsinissamut Pilersaarusiorneq 2017-2020, 2020-p naanerani atorunnaarsinneqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

#### **Innuttaasunik peqataatitsineq/attaveqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Oqaaseqaateqartoqanngilaq.

## **Siusinnerusukkut aalajangernerit**

*Meeqqanut Ilaqutariinnullu Ataatsimiititap 3. decembari 2020-mi aalajangiinera*  
Inassuteqaat akuersissutigineqarpoq.

## **Ilangussat**

1. 2020-mi kvartalit pingajuanni killiffik pillugu nalunaarutit 13-iat
2. Suliassanut pilersaarut 2017-2020 (nutartigaq)
3. Killiffik pillugu nalunaarusiami Deloittep oqaaseqaatai

## **Punkt 4: Aalajangiiffigisassat**

## **Punkt 04A: Nuup avataani atorfinitsitsinerit sulisorinniinnarniarnerillu**

### **Beslutning**

Inassuteqaat imatut oqaaseqaatitalerlugu akuersissutigineqarpoq: Illoqarfiit Ittoqortoormiit, Paamiut aammalu Tasiilaq aaqqissuussinermut ilanngunneqassapput.

## **Nuup avataani atorfinitsitsinerit sulisorinniinnarnerillu**

Aalajangiiffigisassaq

J.nr.: EMN-2020-29450

Suliffeqarfimmut Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

2017-imi Illoqarfinni Nuup avataaniittuni isumaginninnerup iluani atorfinitsitsiniarnermik sulisullu sulisoriinnarnissaannik siunertalimmik aaqqissuussisoqarnissaa Aningaasaqarnermut Ataatsimiititap akuersissutigaa.

Aaqqissuussineq Paamiuni, Tasiilami Ittoqqortoormiinilu sulisoreriikkanut sulilerlaanullu atuuppoq.

Atorfinitsitsinikkut sulisorinniinnarnikkullu periarfissat aaqqissuussinermit pissarsiarineqartartut ataatsimut isigalugit sulisunit iluarisimaarneqarput, taamatullu ajunngitsorsiassat immikkut atugassaritineqartunit pissarsiarineqartartut ataatsimuttaaq iluarineqaqaat.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititap inassuteqaatiga:

- atugassarititaasut allanngorlugit aaqqissuussinerup ingerlateqqinneqarnissaa akuersissutigineqassasoq

### **Suliassamik saqqummiussineq**

2017-imi Illoqarfinni Nuup avataaniittuni isumaginninnerup iluani atorfinitsitsiniarnermik sulisullu sulisoriinnarnissaannik siunertalimmik aaqqissuussisoqarnissaa Aningaasaqarnermut Inuussutissarsiornermullu Ataatsimiititap akuersissutigaa.

Aaqqissuussineq Paamiuni, Tasiilami Ittoqqortoormiinilu sulisoreriikkanut sulilerlaanullu atuuppoq.

Matuma allannerata nalaani Paamiuni Ittoqqortoormiinilu tamatuma aaqqissuussinerup ataani sulisoqanngilaq.

Tasiilami Meeqqanut Ilaqutariinnullu Ingerlatsiviup ataani sulisut arfineq-marluk aamma Suliffeqarnermut Isumaginninnermut Ingerlatsiviup ataani sulisut marluk aaqqissuussinerup ataani sulisorineqarput.

Nuup avataani aqutsisut akornanni atorfinitsitsinikkut sulisorinniinnarnikkullu periarfissat aaqqissuussinermit pissarsiarineqartartut ataatsimut isigalugit iluarisimaarneqarput, taamatullu ajunngitsorsiassat immikkut atugassaritineqartunit pissarsiarineqartartut sulisunnitaaq ataatsimut iluarineqaqaat.

### ***Aaqqiissutissatut siunnersuut – suliaticut naliliineq***

Illoqarfinni Nuup avataaniittuni isumaginninnerup iluani atorfinitsitsiniartarnek sulisoriinniinnarnerlu annertuumik unammillernartuusoq, tamannalu suliassaqarfiup iluani suliniutigineqartut pitsaassusiinut naammassineqarnissaannullu assut sunniuteqartartoq misilittakkap ersersippaa. Suliniutit kiffartuussinerullu ataavartuunissaat pitsaassusaallu qulakkeerniarlugit, sulisut piukkunnaatillit atorfinitsissinnaanissaat attatiinnarsinnaanissaallu pingaaruteqarnerpaavoq.

Taamaattumik atugassarititaasut allanngorlugit aaqqissuussinerup ingerlateqqinneqarnissaa allaffeqarfiup innersuussutigaa.

### Aaqqissuussinermut malittarisassanut nutaanut siunnersuut:

- Aaqqissuussineq ukiunik pingasunik 2021-mit 2023 ilanngullugu atuuttussamik sivitsorneqassaaq
- Aaqqissuussineq meeqqanut ilaqtariinnullu suliaasaqarfimmi Meeqqanut Ilaqtariinnullu Ingerlatsiviup ataaniittumi atuutissaaq
- Aaqqissuussineq Tasiilamut atuutissaaq
- Aaqqissuussinerup atuuffiani atorfeqareersut minillugit aaqqissuussineq sulisunut nutaaginnarnut atuutissaaq

### Aaqqissuussinermut ilaatigut ilanngunneqarsinnaapput:

- Qaammatikkaartumik kisimiilluni ilitsersorneqartarnek + qaamallu allortarlugu ataatsimoorussamik ilitsersorneqartarnek
- Ukiumut ataasiarluni akeqanngitsumik angalasarnissaq
- Sap. ak. ataasiarluni sulinerup nalaani akunnermi ataatsimi timersoqatigiittarnissaq imaluunniit sapaatip akunneranut akunnermi ataatsimi CSR-imi peqataasarnek.
- Ukiumut ataasiarlutik isumassarsioqatigiiffiusumik Nuummum angalaqatigiittarnissaq, suleqatit Nuummi najugallit peqatigalugit suliatigut avitseqatigiittarnissaq imaluunniit ajornassanngippat Danmarkimi kommunit arlaannik paarlaasseqateqarluni angalasarnissaq.
- Killissaleriikkamik atorfinitsitsinissamik neqerooruteqartoqassasoq (ilaatigut ukiumut ataasiarluni akissarsisitsisoqartarsinnaalluni)

### *Aningaasatigut sulisoqarnikkullu naliliinerit*

Aaqqissuussinermut aningasartuutissat ukiumut sulisumut ataatsimut DKK 91.000 kr.-nut missiliuunneqarput.

### *Inatsisitigut tunngavissaq allakkallu tunngaviusumik uppernarsaatitallit*

Soqanngilaq.

### *Ingerlariaqqinnissaq*

Aningaasaqarnermut Inuussutissarsiornermullu Ataatsimiititap siunnersuut akuerippagu, atugassarititaasut allanggorlugit aaqqissuussineq ingerlateqqinneqassaaq.

### **Aningaasaqarnermut Allatseqarfimmit oqaaseqaatit**

Isumaginninnermut siunnersortinik suleqatigiiaanillu assingusunik atorfinitsitsinermut atatillugu immikkoortoqarfiit Nuup avataaniittut aningaasartuuteqarnerussasut aaqqissuussineq isumaqarpoq. Ullumikkulli aaqqissuussap taassuma ataani sulisut ikingaarmata immikkoortortat pineqartut saniatigut aningaasartuutitik nammineq missingersuutiminnut inississinnaavaat.

Atorfinitsitsisarnermut atatillugu aaqqissuussap qitiutinneqarnerulenera aaqqissuussinerup ataani atorfinittut amerlinerannik kinguneqassasoq neriuutigineqarpoq. Aaqqissuussineq ukiumut DKK 91.000 kr.-it angullugit sulisumut ataatsimut akeqarmat, aaqqissuussinerup ataani atorfinittut amerlissappata Nuup avataani aningaasartuutit aamma amerlissapput.

Piffissami matumani missingersuutaareersut iluanni aningaasaliiffigineqarsinnaasumik aaqqissuussineq immikkoortoqarfinit neqeroorutigineqarsinnaavoq, kisiannili sulisut taanna malillugu atorfinittut amerlingaatsiassappata, allanik pingaarnersiuinissaq pisariaqalissaaq imaluunniit Nuup avataani immikkoortoqarfiit attuumassutillit aningaasaliiffiqittariaqassapput.

## **Innuttaasunik peqataatitsineq/attaveqaqatigiinneq**

Soqanngilaq.

## **Ingerlatsivinnit allaniit oqaaseqaatigineqartut**

Meeqqanut Ilaqutariinnullu Ingerlatsiviup aamma Suliffeqarnermut Isumaginninnermullu Ingerlatsiviup aqqissuussap ingerlaannarnissaa kissaatigaat.

## **Siusinnerusukkut aalajangiinerit**

Januaarip 19-iani 2017-imi Aningaasaqarnermut Inuussutissarsiornermullu Ataatsimiititap aalajangiinera. Inassuteqaat tulliuuttoq akuersissutigineqarpoq:

*"Meeqqanut, Ilaqutariinnut Atuarfeqarnermullu Ingerlatsivimmit aamma Isumaginninnermut, Suliffeqarnermut Inuussutissarsiornermullu Ingerlatsivimmit Nuup avataani isumaginninnerup iluani sulisoreriikkanut sulisussanullu suliniutinik annertusaanissamut siunnersuut Aningaasaqarnermut Ataatsimiititamit akuersissutigineqassasoq"*

## **Ilanngussaq**

Soqanngilaq.

## **Punkt 04B: Suliffeqarnermut Isumaginninnermullu Ataatsimiititap angalanerani nalunaarussiaq**

### **Beslutning**

Inassuteqaat akuersissutigineqarpoq.

### **Bilag**

Angalanermit nalunaarussiaq

## **Suliffeqarnermut Isumaginninnermullu Ataatsimiititap angalaneranit nalunaarussiaq**

Nuuk, oktobari 2020.

Aalajangiiffigisassaq

J.nr.: 01.02

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

### **Suliassamik eqikkaaneq**

Suliffeqarnermut Isumaginninnermullu Ataatsimiititaq 2020-mi ullut 07. aamma 8. oktobari Nuummum angalavoq. Ataatsimiititap kommunimi nunatsinnilu suliffeqarnermut tunngasutigut suliassaqarfimmi politikikkut suliaqarnermini atorsinnaasaminik siamasinnerusumik paasisimasaqalernissaa angalanerup siunertaraa.

Angalaneq pillugu nalunaarussiaq angalanermit pisussanik aamma angalanerup nalaani ataasiakkaanut pulaarnernik eqikkaanermik imaqarpoq angalanerullu nalaani ataatsimiissimanernit pulaarsimanernillu paasisanik naggasiuteqarluni.

Suliaq Suliffeqarnermut Isumaginninnermullu Ataatsimiititami ulloq 08. decembari 2020-mi ataatsimiinnerani suliarineqarpoq, ataatsimiititalu angalanermit nalunaarussiaq akuersissutigivaat suliarlu Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqillugu.

### **Inassuteqaat**

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassutigaa:

- angalanermit nalunaarussiaq akuersissutigineqassasoq

### **Suliassamik saqqummiussineq**

Suliffeqarnermut Isumaginninnermullu Ataatsimiititaq 2020-mi ullut 7. aamma 8. oktobari Nuummum angalavoq. Ataatsimiititap kommunimi nunatsinnilu suliffeqarnermut tunngasutigut suliassaqarfimmi politikikkut suliaqarnermini atorsinnaasaminik siamasinnerusumik paasisimasaqalernissaa angalanerup siunertaraa. Angalanermit suliffeqarneq qitiusumik sammineqarpoq. Suliassaqarfimmi siamasinnerusumik ilisimasaqalernissaaq kiisalu Kommuneqarfik Sermersuumi Suliffeqarneq pillugu politikkilortoqarnissaanut pisariaqartitsisoqarnerata misissornissaa siunertaralugit sammisaaq toqqarneqarpoq.

Suliffeqarnermut Isumaginninnermullu Ataatsimiititamit Inge Olsvig Brandt (siulittaasoq), Knud Mathiassen (ilaasortaq), Lone Rosengreen Pedersen (ilaasortaq), Rolf Pike (ilaasortaq) aamma Nadia Olsen (ilaasortaq) peqataapput. Suliffeqarnermut Isumaginninnermullu Ingerlatsivimmit Ejner Grønvold (pisortaq) aamma Bea Mølgaard Lennert (fagcheffi) peqataapput. Allaffeqarfimmit Pernille Ødegaard (ataatsimiititap allattaa) aammattaaq peqataavoq.

Pingasunnornermi ingerlatsiviup suliffeqarnermut tunngasutigut suliassaqarfimmi suleriaasianut suliniutaanullu ataatsimiititaq sukumiisumik ilisaritinnerqarpoq kiisalu ilaatigut suliffissaaleqisut kisitsisaannut, suliffissaaleqisunut tunngasutigut aningaasartuutitut, atuarsinnaasunut massakkullu periusissianut unammilligassanullu tunngatillugu inatsisit pillugit ilisimatinneqarluni.

Suliffeqarnermut Immikkoortorta qarfimmi fagcheffi Bea Mølgaard aamma Suliffeqarnermut Isumaginninnermullu Ingerlatsivimmi pisortaq Ejner Grønvold ullormut pisunik ingerlatsipput.

Sisamanngorneq Sulisoqarnermut Naalakkersuisup Jess Svanep aamma Suliffeqarnermut Isumaginninnermullu Ataatsimiititap akornanni suliffeqarneq sammillugu ataatsimiiffissatut pilersaaruserfigineqarpoq. Naalakkersuisorli ajoraluartumik ataatsimiinnissamut peqataasinnaanani nalunaarpoq. 2020-mit 2023-mut sulilersitsinissamut periusissiamut nutaamut atatillugu Naalakkersuisut anguniagaat suliniuteqarfigisaallu pillugit Suliffeqarnermut Naalakkersuisoqarfiup immikkoortorta qarfiata pisortaa Lona Lynge saqqummiivoq.

*Aaqqiissutissatut siunnersuut – suliatigut naliliineq*  
Soqanngilaq.

*Aningaasatigut sulisoqarnikkullu naliliinerit*  
Soqanngilaq.

*Inatsisitigut tunngavissaq allakkallu tunngaviusumik uppernarsaatitallit*  
○ Ataatsimiititap suleriaasia

*Ingerlariaqqinnissaq*  
Suliffeqarnermut Isumaginninnermullu Ataatsimiititap angalanermini ilikkakkani ilisimalikkanilu ataatsimiititami suliadini kommunimilu suliffeqarneq pillugu politikikkissamik suliaqarnerminut atussavai.

**Aningaasaqarnermut Allatseqarfimmit oqaaseqaatit**  
Aningaasaqarnermut Allatseqarfimmit oqaaseqartitsisoqanngilaq.

**Innuttaasunik peqataatitsineq/attaveqaqatigiinneq**  
Soqanngilaq.

**Ingerlatsivinnit allaniit oqaaseqaatigineqartut**  
Oqaaseqaateqartoqanngilaq.

**Siusinnerusukkut aalajangerit**  
*Suliffeqarnermut Isumaginninnermullu Ataatsimiititap 08. decembari 2020-mi aalajangiinissaa naatsorsuutigineqarpoq:*  
Inassuteqaat akuersissutigineqarpoq

**Ilanngussat**  
1. Angalanermit nalunaarusiaq.

## **Punkt 04C: Nunaqarfinnut aningaasaliissutit.....**

### **Beslutning**

Inassuteqaat akuersissutigineqarpoq.

## 2021-imi Nunaqarfinnut aqutsisut nunaqarfinnut aningaasaliissutininik atuinissamat siunnersuutaat

Aalajangiiffissaq

J.nr.: 01.10.04

Suliffeqarfimmi Kiffartuussineq - Vicekommunaldirektøri Marie Fleischer / MAFL

### Suliassamik eqikkaaneq:

Nunaqarfinni Aqutsisut nunaqarfinnut 2021-mut aningaasaliissutit sumut atorneqarnissaannut siunnersuutininik nassitsinikuupput, taakkulu Aningaasaqarnermut Inuussutissarsiornermullu Ataatsimiititamit akuersissutigineqartussaapput.

### Inassuteqaat

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigivaa:

- nunaqarfinnut aningaasaliissutini aningaasat 2021-mut atorneqarnissaannut Nunaqarfinni Aqutsisunit siunnersuutigineqartoq akuersissutigineqassasoq

### Suliassamik saqqummiussineq

Nunaqarfinni Aqutsisut nunaqarfinnut 2021-mut aningaasaliissutit sumut atorneqarnissaannut siunnersuutininik nassitsinikuupput, taakkulu Aningaasaqarnermut Inuussutissarsiornermullu Ataatsimiititamit akuersissutigineqartussaapput.

### Aaqqiissutissatut siunnersuut – suliatigut naliliineq

Nunaqarfinni Aqutsisut nunaqarfinnut 2021-mut aningaasaliissutigineqartut sumut atorneqarnissaannut siunnersuutininik nassiussinikuupput.

Aqutsinermut inatsimmi § 44 naapertorlugu Nunaqarfinni Aqutsisut Nunaqarfinnut aningaasaliissutit suliassaqarfimmi tullinnguuttuni makkunani atorsinnaavaat:

- a. Kulturimut inunnillu paasisitsiniaanermut
- b. Timersornermut tunngasunut
- c. Teknikkikkut ingerlatsivinnut pilersuinerimullu
- d. Nunaqarfimmi inuutissarsiutinut tunngasunik suliniutinut
- e. Innuttaasunut sammisassaqaqtitsineq

Isertumi, Tiilerilaami Kulusummilu Nunaqarfinni Aqutsisut 734.500 koruunit siunertanut makkununga atorusuppaat:

Siunertaq	Aningaasat	Nunaqarfimmi aqutsisunit oqaaseqaatit	Ingerlatsivimmit attuumassuteqartumit oqaaseqaatit
Peqatigiiffinnut assigisaanullu tapiissutit	50.000 kr.	Qimussimik unammersuartoqarnissaanik kiisalu nunaqarfimmi påskikkunni unammisitsinerit.	Suliffeqarfimmi Kiffartuussivik: Peqqinnermut Susassaqaqtitsinerimullu Immikkoortortaqaqfiup siunnersuut ilalerpaa, taamaattorli aamma timersornermut,

			timigissarnermut peqatigiiffinnullu tapiissutit pillugit malittarisassat innersuussutigalugit. Allaniik taasassaqaanngilaq.
Ullorsiornerit innuttaasullu ataatsimooqatigineri	50.000 kr.	Kulusumi aasami "Kiinnermu" arpatsitsinerit arstartitsinerit il.il.	Suliffeqarfimmi Kiffartuussivik: Peqqinnermut Susassaqartitsinermullu Immikkoortortaqaqarfiup siunnersuut ilalerpaa, taamaattorli aamma timersornermut, timigissarnermut peqatigiiffinnullu tapiissutit pillugit malittarisassat innersuussutigalugit. Allaniik taasassaqaanngilaq.
Teknikimut ingerlatsinermul-lu suliniutit annikitsut	50.500 kr.	Nunaqarfimmi Aqutsisut illuaraliortoqassasoq aalajangerput. Tasiilamiit nunaqarfinnut assartorneqalerpata, "assartuinnermut aningaasartuutitut" atugassanit matussuserneqassapput	Sanarfinermut Avatangiisinullu Ingerlatsivik: Oqaaseqaateqaanngilaq.
Illuaraq "Diipaarpinni"	40.000 kr.	Suliffissaqartitsiniutit atorlugit suliakkiunneqassaaq.	Sanarfinermut Avatangiisinullu Ingerlatsivik: Nutaamik illuaraliortoqassappat pisiarinqarlunilu napparneqartussaamat aningaasaliissutaasut naammassorinangillat. Pilersaarummut assingusoq 130.000 miss. akeqarsinnaamat ilisimatitsissutigineqassaaq.
Suliffissaqartitsiniutit qassaanerillu	505.000 kr.	Suliffissaqartitsiniutit kiisalu qassaanerit kontomiit ataatsimiit atorneqartarmat ataatsimoortinneqarput.	Sanarfinermut Avatangiisinullu Ingerlatsivik: Assaanermut tunngasoq sunik suliassartaqarnerisoq (aqquserngit, iliveqarfiit, kuserngit assigisaaluunniit.) ersarissaqquneqarpoq. Suliffiqarnermut Isumaginninnermullu Ingaerlatsivik: Uani matchgruppe 1 siunertanik

			aaqqiissuteqarnissamut siulliunneqassapput, sulilersitsinissaArlu aallartitsinnagu periusissiaq allaaserineqassaaq.
Saleersuartitsinerit Kulusuk 10.000 kr. Tiilerilaaq 7.000 kr. Isertoq 7.000 kr.	24.000 kr.	Saleersuartitsinerimi ullaakkorsioqatigiinnermik kiisalu ulloq qeqqarsioqatigiinnermik pinnatassanillu atugassat. Isertumi umiatsialiviup eqqaa salinneqarnissaa.	Sanarfinermut Avatangiisinullu Ingerlatsivik: Tamakkiisumik torersaanermut/eqqiaanermu t atatillugu Sanarfinermut Avatangiisinullu Ingerlatsivik paasiniaavigineqassaaq.
Asimi katerinneq Nunaqarfiit pingasut tamarmik 5.000 kr.	15.000		Suliffeqarfimmut Kiffartuussivik: Aaqqissuussinernut Kultureqarnermullu immikkoortorta qarfiata isumassarsiaq taperserpaa.
<b>katillugit</b>	<b>734.500 kr.</b>		

Kuummiini aammalu Sermiligaami Nunaqarfinni Aqutsisut 879.000 koruunit siunertanut makkununga atorusuppaat:

<b>Siunertaq</b>	<b>Aningaasat</b>	<b>Nunaqarfimmi aqutsisunit oqaaseqaatit</b>	<b>Ingerlatsivimmit attuomassuteqartumit oqaaseqaatit</b>
Suliffissaqartitsiniutit qassaanerillu	200.000 kr. 60.000 kr.	Qassaatitsisoqartassaaq taamaallaat ikiortissaqanngitsunut.	Sulifferqarnermut Isumaginninnermullu Ingaerlatsivik: Uani matchgruppe 1 siunertanik aaqqiissuteqarnissamut siulliunneqassapput, sulilersitsinissarlu aallartitsinnagu periusissiaq allaaserineqassaaq.
Ullorsionernut innuttaasunullu ataatsimiititsinerit kajumissaasiinerit il.il.	75.000 kr.		Suliffeqarfimmut Kiffartuussivik: Aaqqissuussinernut Kultureqarnermullu immikkoortorta qarfiup isumassarsiaq taperserpaa.
Peqatigiiffinnut tapiissutit	30.000 kr.		Suliffeqarfimmi Kiffartuussivik: Peqqinnermut Susassaqartitsinerimullu Immikkoortorta qarfiup siunnersuut ilalerpaa, taamaattorli aamma timersornermut, timigissarnermut

			peqatigiiffinnullu tapiissutit pillugit malittarisassat innersuussutigalugit. Allaniq taasassaqaqngilaq.
Nunaqarfimmi saleersuartitsinerit	20.000 kr.		Sanarfinermut Avatangiisinullu Ingerlatsivik: Tamakkiisumik torersaanermut/eqqiaanermut atatillugu Sanarfinermut Avatangiisinullu Ingerlatsivik paasiniaavigineqassaaq.
Illunik qalipaatsinerit	100.000 kr.	Nunaqarfinni nammineq illuutillit periarfissaqaqngitsut qalipaatinik pisinissaminnik isikkorissarnissaat	Sanarfinermut Avatangiisinullu Ingerlatsivik: Innersuussutigineqarpoq, nunaqarfimmi aqutsisut qalipaasumik pilersaarummut ataqatigiissaarisussamik isumaqateqassasoq, taassuma aammattaaq sulinermik nakkutilliisut isumannaallisaanermi piumasaqaataannik eqqortitsisoqarnissaa isumagissagaa.
Sermiligaami iliveqarfiup ungalulersornissaa	75.000 kr.	Ukioq manna 150.000 kr. aningaasaliissutit aappaagumut 2021-mut 50%-ii nuutinneqarnissaannik qinnutigineqassapput	Sanarfinermut Avatangiisinullu Ingerlatsivik: Innersuussutigineqarpoq, nunaqarfimmi aqutsisut pisiniarnissaat assigisaasalu pinnginnerini sumiiffik pineqartoq ingerlatsiviup takusaqqaassagaa.
Kuummiini kangerluata imartaa salinneqarnissaa	60.000 kr.		Sanarfinermut Avatangiisinullu Ingerlatsivik: Ingerlatsiviup nalilerpaa, Kuummiut kangerluani "qassutaarsiutit" annikitsuarannguusut, tamannalu pillugu ingerlatsiviup innersuussutigaa, aningaasat nunaqarfimmi aqutsisuniit allanut atorineqassasut.
Juullilernerani utoqqarnik kiffartuussinerit.	20.000 kr.	Juullilernerani utoqqaat siusinaartumillu pensionisiallit eqqiaassullugit errorsissullugilluunniit.	Sulifferqarnermut Isumaginninnermullu Ingaerlatsivik: Uani matchgruppe 1 siunertanik aaqqiissuteqarnissamut siulliunneqassapput, sulilersitsinissarlu

			aallartitsinnagu periusissiaq allaaserineqassaaq. Taassuma saniatigut malugeqquneqarpoq nunaqarfimmi innuttaasut angerlarsimaffimmi ikiortinut innersuunneqarsinnaammata, innersuuneqarnermik aaliangiinermik tunngavik naapertorlugu,
Kuummiini Sermiligaamilu majuartarfiit suliarineqarnissaat	100.000 kr.	Kuummiini Sermiligaamilu suli majuartarfinnik suliassaqarpoq nutartigassaallutillu ilai.	Sanarfinermut Avatangiisinullu Ingerlatsivik: Kuummiuni qisunnik suli peqartoq ingerlatsivimmit paasineqarpoq, taamaattumillu innersuussutigalugu allanik inniminniisoqannginnerani taakku atoqqaarneqassasut.
Sermiligaaq ukiuni 100-nngortorsiornis-saanik komitenut	10.000 kr.		Suliffeqarfimmut Kiffartuussivik: Aaqqissuussinernut Kultureqarnermullu immikkoortortaqaarfiup isumassarsiaq taperserpaa.
Teknikeqarnermut tunngasut	129.000 kr.	Nunaqarfimmi aqutsisut aalajangerpaat, nutaanik majuartarfiliortoqassasoq. Tasiilamiit nunaqarfinnut assartuisoqalerpat "assartuinermit aningaasartuutitut" atugassanit matussuserneqassapput	Sanarfinermut Avatangiisinullu Ingerlatsivik: Oqaaseqaateqanngilaq.
<b>Katillugit</b>	<b>879.000 kr.</b>		

Arsummi nunaqarfimmi aqutsisut 278.450 koruunit siunertanut makkununga atorineqarnissaat kissaatigaa:

<b>Siunertaq</b>	<b>Aningaasat</b>	<b>Nunaqarfimmi aqutsisunit oqaaseqaatit</b>	<b>Ingerlatsivimmit attuumassuteqartumit oqaaseqaatit</b>
Innuttaasunut sammisassaqaartitsineq	58.450,00	Innuttaasut sammisassaqaartinneqarnerilernissaanut paasititsiniitigalugit qanoq periarfissaqarnerisoq innuttaasut.	Suliffeqarfimmut Kiffartuussivik: Peqqinnermut Susassaqaartitsiner- mullu Immikkoortortaqaarfiup siunnersuut ilalerpaa, taamaattorli aamma

			timersornermut, timigissarnermut peqatigiiffinnullu tapiissutit pillugit malittarisassat innersuussutigalugit. Allaniik taasassaqaanngilaq.
Kulturi	20.000,00	Sammissassaqaartitsinernut atugassatut aalajangiuppaat soorlu ooqattaasartitsinernut.	Suliffeqaarfimmut Kiffartuussivik: Aaqqissuussinernut Kultureqaarnermullu immikkoortotaqarfiup isumassarsiaq taperserpaa.
Ullorsiorneq	60.000,00	Inuiattut ullorsiorneq nalliuttut ukiortaarsiornerillu.	Suliffeqaarfimmut Kiffartuussivik: Aaqqissuussinernut Kultureqaarnermullu immikkoortotaqarfiup isumassarsiaq taperserpaa.
Asiartarfiinnut iluarsartuussinerit	60.000,00	Asiartarfiit qalipanneqarnissaanut aserfallatsaalineqarnissaanullu atugassat.	Sanarfinermut Avatangiisinullu Ingerlatsivik: Siunnersuut ingerlatsivimmit tapersersorneqarpoq. Inuusuttunik, nammineq kajumissutsiminnik suliaqartartunik immaqaluunniit suliffissaaleqisunit suliaassaqaartitsiniutitut taallugu suliarineqarsinnaasoq siunnersuutigineqarpoq.
Multibanip iluarsartuunnissaa	80.000,00	Iluarsartuussassaaqimmat qajannaatsumik kusseerneqarnissaalu eqqaaatungaa. Cement-illu Kangilinnguaninngaanniit assartuunnissaanut atussallugit.	Sanarfinermut Avatangiisinullu Ingerlatsivik: Siunnersuut ingerlatsivimmit tapersersorneqarpoq.
<b>Katillugit</b>	<b>278.450 kr.</b>		

Kapisilinnut Qeqertarsuatsiaanullu Nunaqarfimmi Aqutsisut 508.050 koruunit siunertanut makkununga atorneqarnissaat kissaatigaa:

<b>Siunertaq</b>	<b>Aningaasat</b>	<b>Nunaqarfimmi aqutsisunit oqaaseqaatit</b>	<b>Ingerlatsivimmit attuumassuteqartumit oqaaseqaatit</b>
Peqatigiiffinnut	30.000	Peqatigiiffinnut eqeersaaneq	Suliffeqarfimmut Kiffartuussivik: Peqqinnermut Susassaqartitsinermullu Immikkoortortaqaarfiup siunnersuut ilalerpaa, taamaattorli aamma timersornermut, timigissarnermut peqatigiiffinnullu tapiissutit pillugit malittarisassat innersuussutigalugit. Allanik taasasaqanngilaq.
Innuttaasunut ataatsimoortitsineq	26.000	Ataatsimooqatigiinneq pisariaqartsinneqartarmat	Suliffeqarfimmut Kiffartuussivik: Peqqinnermut Susassaqartitsinermullu Immikkoortortaqaarfiup siunnersuut ilalerpaa, taamaattorli aamma timersornermut, timigissarnermut peqatigiiffinnullu tapiissutit pillugit malittarisassat innersuussutigalugit. Allanik taasasaqanngilaq.
Inuttut ineriartorneq pikkorissaaneq	78.050	Pikkorissaanerit ingerlaqqilernissaat	Suliffeqarfimmut Kiffartuussivik: Peqqinneq Pitsaaliuinerlu pillugit immikkoortortap suliniut taperserpaa. Allanik taasasaqanngilaq.
Timersorneq	50.000	Sillimaneq	Suliffeqarfimmut Kiffartuussivik: Peqqinnermut Susassaqartitsinermullu Immikkoortortaqaarfiup siunnersuut ilalerpaa, taamaattorli aamma timersornermut, timigissarnermut peqatigiiffinnullu tapiissutit

			pillugit malittarisassat innersuussutigalugit. Allanik taasassaqaanngilaq.
Uge 18	10.000	Pitsaaliunineq	Suliffeqarfimmut Kiffartuussivik: Peqqinnermut Susassaqartitsinermullu Immikkoortortaqaarfiup siunnersuut ilalerpaa, taamaattorli aamma timersornermut, timigissarnermut peqatigiiffinnullu tapiissutit pillugit malittarisassat innersuussutigalugit. Allanik taasassaqaanngilaq.
Inuutissariutitut tapiineq	15.000	Qeqqussat eqqarsaatigalugit	Suliffeqarfimmut Kiffartuussivik: Inuussutissarsiornermut Immikkoortortaqaarfiup suliniut assut taperserusuppaa. Qeqqussanut tunngasut siusinnerusukkut misilittagaasimasut atorluarneqarsinnaapput.
Qeqertarsuatsiaani Kapislinnilu pinnguarterfiit	50.000	Piorsaaqqiineq	Sanarfinermut Avatangiisinullu Ingerlatsivik: Kapisilinni pinnguarterfiit nutartertariaqarnerupput.
Qeqertarsuatsiaani Trailer pigineqalernissaat	40.000	Umiatsiaaqqanut assartuutissat	Sanarfinermut Avatangiisinullu Ingerlatsivik: Oqaaseqaateqaanngilaq.
Amitsialak-mi sulisumut	140.000	Sulisup aappaqarnissaa ingerlaannarnissaa	Suliffeqarfimmut Kiffartuussivik: Nunaqarfiup taassuma aallunneqarluarnera Kulturilerisuniit isumalluarnartinneqarpoq.
Qeqertarsuatsiaani amutsiviup kujataatungaa	70.000	Umiatsiaaqqanut atugassiaq kalittagaq atorlugu umiatsiaaqqanik qaqitsilertorsinnaanerup qulakkeerneqarnissaa	Sanarfinermut Avatangiisinullu Ingerlatsivik: Oqaaseqaateqaanngilaq.
<b>Katillugit</b>	<b>508.050 kr.</b>		

*Aningaasaqarnikkut sulisoqarnikkullu naliliinerit*

Ukioq 2021-mut kommunalbestyrelsip nunaqarfinnut aningaasaliissutit 2.400.000 koruunit immikkoortippaat.

*Inatsisitigut tunngavissaq allakkallu tunngaviusumik uppernarsaatitallit*

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsip aamma Nunaqarfinni Aqutsisut politikikkut suleqatigiinnissamik isumaqatigiissutaat.

*Ingerlariaqqinnissaq*

Aningaasaqarnermut Inuussutissarsionermullu Ataatsimiititamit Aalajangernera pillugu Nunaqarfinni Aqutsisut ilisimatinneqassapput.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit matuma qulaani suliassamik saqqummiussineq pillugu amerlanerusunik oqaaseqaatissaqartoqanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinnit allanit oqaaseqaatit**

Suliassamik saqqummiussinermi ilanngunneqarnikuupput.

**Ilanngussaq/Ilanngussat**

Soqanngilaq.

## **Punkt 5: Suliat Kommunalbestyrelsimut ingerlateqqitassat**

## **Punkt 05A: Qaqqami annaassiniarneq**

### **Beslutning**

Inassuteqaat tusaatissatut tiguneqarpoq, ima allannguineritalimmik: Ittoqqortoormiit siunissaq ungasinnerusoq eqqarsaatigalugu ilanngunneqassasoq.

## **Qaqqami annaassiniarneq**

Qaqqami annaassiniarnermut ilinniartitsissutissat pillugit ilisimatitsissut

Ilisimatitsissut

J.nr.: EMN-2020-00556, Akt ID 3

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Immikkoortumi akisussaaffinnut tunngatillugu, qaqqani annaassiniarnermut ikiuunneq kommunip suliassarinnigilaa. Kisianni kommunip annaassiniarnissamut upalungaarsimasui piffissami sivisuumi immikkoortut allat qaqqani annaassiniarneranni annaassiniaqataasarput.

Qaqqani annaassiniarnerni politiit peqqinnissaqarfillu akisussaasuupput, akornusersimasooq sumiissusersineqarsimanersoq apeqqutaasarluni. Akornusersimasup sumiinnera naluneqanngippat, peqqinnissaqarfik akisussaasuvoq, taavalu sumiinnera ilisimaneqanngippat, politiit akisussaasuullutik.

Kommunip annaassiniarnissamut upalungaarsimasuisa qaqqani navialisartut amerliartornerat maluginiarpaat, taamaalisoqartillugulu Politiiniit ikiortiserineqartarput, imaluunniit toqqaannartumik 113-mut sianertoqartarluni. Tamanna pisarpoq Kalaallit Nunaata, tassunga ilanngullugit Nuuk Tasiilarlu takornariarfissatut soqutigineqaleriartornerat ilutigalugu.

Kommunimi Upalungaarsimanissamut Ataatsimiititaliap kommunimi annaassiniarnissamut upalungaarsimasut qaqqani annaassiniartoqartillugu ikiuuttuarnissaannut apeqqut eqqartorpaat innersuussutigalugulu.

Suliaq Sanarfinermut Avatangiisinullu Ataatsimiititap decembarip arfineq-aappaanni 2020-mi ataatsimiinnerani suliarineqarpoq, tassanilu Kommunimi Upalungaarsimanissamut Ataatsimiititaliap annaassiniarnissamut upalungaarsimasut qaqqani annaassiniartoqartillugu politiinut ikiuuttuarnissaat naleqquttumillu akuerisamillu annaassiniartartutut pisariaqartumik ilinniagaqarsimanissaat/pikkorissarsimanissaallu akuerineqarpoq, suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliassamik saqqummiussineq**

#### Inatsit pisussaaffillu

Kalaallit Nunaanni annaassiniarnissamut upalungaarsimaneq aamma ikuallattoornissamut qaartoornissamullu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersoq malillugu annaassiniarnissamut upalungaarsimasut suliassaannut malittarisassat tungaatigut ima allassimasoqarpoq:

*§ 10. Annaassiniarnissamut upalungaarsimasut ajutoornermik ajunaarnersuarmilluunniit pisoqartillugu, kiisalu nunami akuutissanik ulorianartunik tassanngaannartumik ajutoortoqartillugu ikuallattoornissamut, inuit, pigisat avatangiisillu ajoqusernissaannut isumannaatsumik*

*suliniuteqarsinnaassapput. Annaassiniarnissamut upalungaarsimasut aamma qimarngussat navialisullu allat tigooqqarneqarnerini, inissikkallarneqarnerini isumassorneqarnerinilu isumagininnermi oqartussaasunut ikiuuttassapput.*

Kiisalu § 10, imm. 2-mi allassimavoq, SAR-imi suliassat aamma peqqinnissaqarfiup pinasuartumik angallassineri ilaatinneqanngitsut.

Inatsit naapertorlugu taamaasilluni qaqqani annaassiniartarneq kommunip annaassiniartartut upalungaarsimasuisa akisussaaffiginngilaat.

Kisianni inatsit naapertorlugu kommunip annaassiniarnissamut upalungaarsimasui immikkoortut allat suliassanik naammassinninnissaannut ikiuunnissamut pisussaaffeqarput.

§ 10, imm. 3 naapertorlugu Annaassiniarnissamut upalungaarsimasut ajutoortoqarnera imaluunniit ajunaarnersuarmik pisoqarnera pissutigalugu pisariaqalerpat kommunip allap, Statens Lufthavsvæsen-ip (RCC), Grønlands Kommando-p (MRCC) imaluunniit politiit tamatumingga kissaateqarnerat tunngavigalugu pisariaqartunut ikiuutissapput.

#### Maannakkut inissisimaneq

Allaatigineqareersutut takornariaqarneq Nunatsinnilu unnuisartut amerliartorput. Politiit naapertorlugit 2013-imiit 2017-imut qaqqani navialisut 7-iniit 23-nut amerlisimapput, taakkunannga kommunip annaassiniarnissamut upalungaarsimasui politiinut ikiuussimapput. Assigiinngitsutigut ikiuisoqarsimavoq suliassap suunera apeqquataatillugu.

#### *Akiutinik annaassiniarneq*

Amerlanertigut, qaqqani annaassiniarneq pineqartillugu, inuk ataaseq, qaqqami navialisimasoq, nammineerlunilu ammuksinnaanngitsoq pineqartarpoq. Taamaalisoqartillugu annaassiniarnissamut upalungaarsimasut inuk akiutinik aasariaqartarsimavaat. Matumani qaqqami annaassiniarnerinnaq pineqarnaviannigilaq, kisianni annaassiniarneq qaqqami ingerlanneqarpoq.

Ullumikkutut itsillugu amerlanerpaatigut, annaassiniarnissamut upalungaarsimasut qaqqani annaassiniartuusarput. Annaassiniarnissamut upalungaarsimasut annaassiniarnermi suliaqarnissaannik naatsorsuuteqarnermut aamma ajornartuulernermi kalerrisaarisoqarneranut attuumassuteqartinneqartarpoq, amerlanertigut 113 toqqaannartumik sianerfigalugu, ikittuinnaallu politiit annaassiniarnissamut upalungaarsimasunik ikiuukkiartoqqusisarlutik.

#### *Allunaasalerluni qaqqami annaassiniarneq*

Pisuni allani qaqqani annaassiniarnermi allunaasaq atortariaqartarpoq, imaappoq ilaatigut innarsiortoqartariaqartarluni. Pingaartumik taamatut navialisoqartillugu ilinniarsimasunik sulisoqarnissaq pisariaqartarpoq, inuunerminnik navianartorsioartsinnginniassammata, illersorneqarsinnaasumillu suliaqarsinnaaniassammata.

Maannakkuugallartoq upalungaarsimasuni qaqqani annaassiniarnermik suliaqartartut sisamaapput, taakkunannga ataaseq kisimi innarsiornermik misilittagaqartuulluni. Imaappoq, upalungaarsimasut suliassap isumaginissaanut inuk ataaseq pinngitsoorsinnaanngilaat. Taamaattumik innersuussutigineqarpoq, Nuummi inuit qulit tikillugit ilinniartinneqarnissaat pigiinnarneqarnissaallu qulakkeerneqassasoq, Tasiilami Paamiunilu inuit arfinillit tikillugit.

Navialisoqarnerani allunaasamik atuinissaq/imaluunniit innarsiornissaq pisariaqartillugu, qaqqami annaassiniarneq pineqassaaq. Ullumikkut suliassat tamakkua suleqatigiinnit isumagineqartarput, taakkunannga ataaseq kisimi Nuummi qatserisartoq suliassamut ilinniarnikuuvoq.

#### *Snescooteri atorlugu qaqqami annaassiniarneq*

Ukiuunerani upalungaarsimasut aamma suliassaqaartaqaat, snescooterimik atuisariaqarlutik. Aamma ukiukkut qaqqani pisuttuortoqartarpoq, tassungalugu uiggiullugu snescootererpassuit

angallattarput. Upalungaarsimasut aamma snescooterit atorlugit politiiniit ikiuukkiartoqquneqartarput.

Upalungaarsimasut taamatut qaqqani annaassiniartunut ikiuuttuartassappata, atortorineqartut pitsaasuunissaat pisariaqarluinnartuuvoq. Matumani pineqarput snescooterit, taakkununga ilanngullugit inuttut isumannaallisaanermut atortorineqartut.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsiviup innersuussutigaa immikkoortunit allanit naatsorsuutigisamik pisussaaffiup attatiinnarneqarnissaa, pingaartumik politiiniit peqqinnissaqarfimmiillu, kommunip annaassiniarnermi upalungaarsimasuisa qaqqami annaassiniarnermi ikiuuttarnissaat, innarsiorneq atorlugu atornagulu.

#### Sulisut ilinniarluarsimasut

Qaqqami annaassiniartarnerup upalungaarsimasunit immikkoortumi akisussaaffigineqannginnera tunuliaqutaralugu, kisiannili upalungaarsimasut eqqortunik atortorissaaruteqarpata aatsaat ikiuussinnaanerata eqqarsaatigalugu, suliassaqarfimmi tassani sulisut ilinniartitaanissaat sallerstaatinneqarsimangilaq.

Suliassaqarfiup isumaginerata ingerlatiinnarnissaa aalajangiiffineqassappat, ilinniarsimasunik sulisoqarnissarput qulakkeertariaqarparput - aamma ungasinnerusoq eqqarsaatigalugu.

Sulisut ilinniarluarsimasut illersorneqarsinnaasumik suliassamik suliqaarnissaq qulakkiissavaat, sulisut nalussanngilaat inuk navialisimasoq qanoq passuttariaqarnersoq, naggataatigullu sulisut peqqussutigineqartunik sularinninnissaannik piareersarlugit.

Tamanna erseqqilluinnartumik ima isumaqarpoq, upalungaarsimasut sulisuminnut naleqquttunik ilinniakkanik pisarialinnik pikkorissarnernik neqerooruteqarsinnaasariaqarput, taamaasilluni upalungaarsimasut pisunut sulisutta navialisinnaanerannik kinguneqartunik illersorneqarsinnaasunik suliqaarsinnaanissaat naammassiumallugu.

#### *Aningaasatigut sulisoqarnikkullu naliliineq*

Sulisut, qaqqani annaassiniarnermi Politiinik ikiuiartortarnissamik illersorneqarsinnaasumik ilinniartinneqarnissaat siunertaralugu taamaasilluni suliassamik sularinnittoqassamat qatserisartorlu imminut illersorsinnaaqullugu aalajangernermi pineqarmat, kommunimi qaqqani annaassiniarnermut upalungaarsimasut aningaasaliiffigineqarnissaat pisariaqarpoq.

Sulisunik ilinniartitsisoqassaaq, taamaasilluni suliassat isumaginissaannut naammattunik peqarniassagatta, upalungaarsimasullu inunnik ataasiakkaanik pisariaqartitsinnginniassammata. Qaqqami annaassiniarnermut ilinniartitaanerup saniatigut aamma sungiusarnermut atugassanik aningaasaliissuteqartoqartariaqarpoq.

Naggataatigut eqqarsaatigineqartariaqarpoq atortunik nutaanik pisisoqarnissaa imaluunniit atortut ilaneqarnissaat ataavartumillu aserfallatsaaliornissaq.

Ilinniartitsisoqarnissaanik suliassap aningaasaqarneq ilanngullugu qulaajaasoqarnissaanut siullermik upalungaarsimanermut tunngatillugu immikkoortumut pilersaarummi sanaartugassanut missingersuutinit akilernerneqarnissaat naatsorsuutigineqarpoq.

Suliassap inaarutaasumik aningaasartai kommunip upalungaarsuisuinut kommunip immikkoortumut pilersaarutaanut ilanngunneqassapput. Immikkoortumut pilersaarut 2021-imi politikkikkut saqqummiunneqarumaarpoq.

#### *Inatsisitigut tunngavissaq allakkallu tunngaviusumik uppersaatitaliit*

- Kalaallit Nunaanni annaassiniarnissamut upalungaarsimaneq aamma ikuallattoornissamut qaartoonissamullu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

#### *Ingerlariaqqinnissaq*

- Ilinniartitsinissamut suliniutip qulaajarneqarnissaa
- Sulisut pikkorissarneqarnissaat
- Atortunik nutaanik pisinissap ilaterinissallu qulaajarnissaat

#### **Aningaasaqarnermut Allatseqarfimmit oqaaseqaatit**

Aarutaasumik aningaasartai kommunip qaqqami annaassiniarnissamut upalungaarsuisuinut kommunip immikkoortumut pilersaarutaanut ilanngunneqassapput.

#### **Innuttaasunik peqataatitsineq/attaveqaqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

#### **Siusinnerusukkut aalajangiinerit**

*Sanarfinermut Avatangiisinullu Ataatsimiititap decembarip arfineq-aappaanni 2020-mi aalajangiinera:*

Inassuteqaat akuersissutigineqarpoq ima oqaasertalerlugu, Ittoqqortoormiit siunissaq ungasinnerusoq eqqarsaatigalugu ilanngunneqassasoq.

#### **Ilanngussat**

Soqanngilaq.

## **Punkt 05B: Qeqertarsuatsiaat atuarfiannik nakkutilliiartornermit nalunaarusiaq**

### **Beslutning**

Inassuteqaat tusaatissatut tiguneqarpoq.

### **Bilag**

Qeqertarsuatsiaat atuarfiannut nakkutilliiartornermit nalunaarusiaq

## **Qeqertarsuatsiaat atuarfiannik nakkutilliiartornermit nalunaarusiaq**

Ilisimatitsissut

J.nr.: EMN-2020-30002

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Meeqqat atuarfiat pillugu inatsit malillugu Meeqaat atuarfiat pillugu Inatsisartut inatsisaat nr. 15, 3. december 2012-imeersumi § 43 naapertorlugu Kommunalbestyrelse ataavartumik atuarfiit ingerlanneqarnerannik nakkutilliiartussaapput.

Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuarfiini ukiumut ataasiarluni nakkutilliiartortarnissaq siunniunniukuuaa.

Septembarip ulluisa pingajuanni 2020 Atuarfeqarnermut immikkoortortaq Qeqertarsuatsiaat Nunaqarfimmi atuarfiannik nakkutilliiartorpoq.

Suliaq Meeqqanut Atuarfeqarnermullu Ataatsimiititami 04. decembari 2020-imi oqaluuserineqarpoq, ataatsimiititap ilisimatitsissut tusaatissatut tiguuaa suliarlu Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ilisimatitsissutitut ingerlateqqillugu.

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Qeqertarsuatsiaat atuarfiannik nakkutilliiartorsimanermit nalunaarusiaq tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliassamik saqqummiussineq**

Meeqqanut Atuarfeqarnermullu Ingerlatsivik Qeqertarsuatsiaat atuarfiannik nakkutilliiartorsimavoq. Atuartut 15-iupput 1-7 klassinut agguataakkat. Ilinniartitsisut marluk atorfeqarput, atuarfimmili pingasunik ilinniartitsisoqarnissaa allassimavoq. Tiimilærerimik sapinngisamik piaartumik atorfinitsisoqarnissaa naatsorsuitigineqarpoq. Ukioq atuarfiusoq 2019/2020-mi atuarfiup ningiua piffissani sivisuuni ilinniarsimasutut sulisarpoq, taamaattumillu atuartsinerinnaq pinnagu pilersaarutit avataasigut suliaqartariaqartarluni.

Nakkutilliiartornerup nalaani paasineqarpoq, atuartsinissaq eqqarsaatigalugu inatsit malinneqartoq aammalu atuartut inatsisini piumasaqaatit naapertorlugit atuartinneqartut.

Atuarfik sapinngisamik piaartumik ukiumut atuarfiusumut 2020/2021-mut ukiumoortumik pilersaarutininik suliaqassaaq, taamatullu tamanut iliuusissatut pilersaarutit suliarineqassallutik. Tamakkua suliarineqarsimanginnerinut pissutaavoq, atuarfiup ningiuaata suliassat allat suliarisariaqarnerisa saniatigut atuartsisariaqartarnera, ilinniartitsisup ukioq manna septembarip aallaqqaataanni atorfinittussap utaqqisariaqarsimanagera ilanngullugu.

Ukiumut atuarfiusumut 2019/2020 atuarfimmi Angusakka ingerlanneqanngitsoorsimapput, tassaallutik ilikkagassatut anguniagassani atuartut namminneq angorusutaannik nalilersuinerit. Taanna klasselærerip akisussaaffigisaanik iliuusissatut pilersaarusiornikkut ilusilersorneqartarpoq, atuartullu ilinniartitsisuni suleqatigalugit ikinnerpaamik atuarfiup/angerlarsimaffiullu

oqaloqatigiinnissaat sioqqullugu suliassaralugu. Atuarfinni angajullernik atuartoqartuni iliuusissatut pilersaarummut aamma ilaassapput atuartup ilinniaqqinnissaminik kissaatigisai.

Tassunga atatillugu ukiup affakkaartumik atuarfiup/angerlarsimaffiullu oqaloqatigiittarnissaannik piunasaqaat aamma malinneqarsimangilaq. Tamatumunnga aamma pissutaavoq, atuarfiup ningiua ukioq atuarfiusoq tamakkerlugu kisimiiginnavissimammat, ilinniartitsisut taarseraannerat pissutigalugu.

#### *Aaqqiissutissatut siunnersuut – suliatigut naliliineq*

Atuarfeqarnermut immikkoortortap nalilerpaa, atuarfik Meeqaat atuarfiat pillugu Inatsisartut inatsisaat nr. 15, 3. december 2012-imeersoq naapertorlugu ingerlanneqartoq, atuartullu inatsimmi piunasaqaatit naapertorlugit atuartinneqartut.

Atuarfiup ningiuanut uparuaatigineqarpoq, klassit tamarmik ukiumoortumik pilersaaruserfigineqarlutillu iliuusissatut pilersaaruserfigineqassasut.

Ukiup affakkaartumik atuarfiup/angerlarsimaffiup oqaloqatigiittarnissaat ingerlanneqartassapput, taamatullu Angusakka pillugit oqaloqatigiittoqartassalluni.

Ilinniartitsisutut ilikkartitsinissaq qulakkeerniarlugu, piffissaalluarallartillugu atuarfimmi ilinniartitsisut amerlassusissaat naapertorlugit ilinniartitsisunik atorfinitsitsisoqassaaq.

Atuarfinnut siunnersortit siunissami atuarfiup ningiua qaammatit tamaasa ataatsimeeqatigisalissavaat nakkutilliarternermi nalunaarusiami suliassaqaarfitt taaneqartut malinnaatitsiffiginiarlugit.

Ilinniartitsisut pikkorissartinneqarnissamik neqeroorfigineqartariaqarput, atorfimminnut naleqquttunik piginnaasaqalerniassammata - pingaartumik piginnaasat malillugit atuartitsinernut tunngatillugu. Taavalu aamma Tabulex atulerneqassaaq. Atuarfinnut siunnersortit taassuma atuutilersinneqarnissaanut atuarfimmut ikiuutissapput.

Meeqqanut Atuarfeqarnermullu Ingerlatsiviup atuarfiup ningiuanut aqutsisutut ineriartornermut pikkorissarnissamik neqerooruteqassaaq, taamaasilluni piginnaasani nutarterniassammagit.

#### *Aningaasatigut sulisoqarnikkullu naliliinerit*

Aningaasaqarnikkut sulisoqarnikkullu naliliisoqanngilaq.

#### *Inatsisitigut tunngavissaq allakkallu tunngaviusumik uppersaasatitallit*

- Atuarfik pillugu Inatsisartut inatsisissaat nr. 15, 3. december 2012-imeersoq
- Atuarfimmi naliliisarneq uppersaasartarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq
- Qeqertarsuatsiaat atuarfiannut nakkutilliarternermi nalunaarusiaq

#### *Ingerlariaqqinnissaq*

Meeqqanut Atuarfeqarnermullu Ingerlatsiviup anguniarpaa, ukiumut ataasiarluni atuarfinnut nakkutilliarortoqartassasoq.

Tullianik Qeqertarsuatsiaat tikinneqarnissaat 2021-imi ukiakkut pissasoq pilersaarutaavoq.

Tassunga tunngatillugu atuarfimmi sulisut pikkorissarnissanut pisarialinnut neqeroorfigineqartarnerisut pillugit ingerlatsivik malinnaajuarniarpoq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinnit allaniit oqaaseqaatigineqartut**

Soqanngilaq.

**Siusinnerusukkut aalajangernerit**

*Meeqqanut Atuarfeqarnermullu Ataatsimiititap 04. decembari 2020-mi aalajangiinera:*

Inassuteqaat akuersissutigineqarpoq.

**Ilanngussat**

1. Qeqertarsuatsiaat atuarfiannut nakkutilliiartornermit nalunaarusiaq

## **Punkt 05C: Ulluunerani paaqqinnittarfinnut nakkutilliinermi nalunaarusiaq**

### **Beslutning**

Inassuteqaat tusaatissatut tiguneqarpoq.

### **Bilag**

Meeraaqqerivik Meeraq pillugu nakkutilliinermi nalunaarusiaq

Meeqqerivik Mike pillugu nakkutilliinermi nalunaarusiaq

## **Ulluunerani paaqqinnittarfinnut nakkutilliinermi nalunaarusiat**

Paamiuni ulluunerani paaqqinnittarfiit Meeraq aamma Mike

Ilisimatitsissut

J.nr.: EMN-2020-30002

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Inatsisartut inatsisaat nr. 16, 3. december 2012-imeersumi § 5, imm. 2 naapertorlugu, kommunalbestyrelsip oqartussaasut attuumassuteqartut allat suleqatigalugit meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Meeqqanut Atuarfeqarnermullu Ingerlatsivimmi ulluunerani paaqqinnittarfiit nakkutigineqarneri Ulluunerani neqeroorutinut immikkoortortamit perorsaanermut siunnersortinit isumagineqassaaq.

Perorsaanermut siunnersortit ulloq 23. juuli 2020-mi Paamiuni meeraaqqerivik Meeraq aamma meeqqerivik Mike nakkutigiartorpaat.

Suliaq Meeqqanut Ilaqutariinnullu Ataatsimiititami 04. decembari 2020-mi oqaluuserineqarpoq, ataatsimiititap ilisimatitsissut tusaatissatut tiguuaa suliarlu Aningaasaqarnermut Inuussutissarsionermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Inatsisartut inatsisaat nr. 16, 3. december 2012-imeersumi § 5, imm. 2 naapertorlugu, kommunalbestyrelsip oqartussaasut attuumassuteqartut allat suleqatigalugit meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Ulluunerani neqeroorutinut immikkoortortaq Paamiuni ulluunerani paaqqinnittarfinnut marlunnut nakkutiginnikkiartorpoq, tassaasunut meeraaqqerivik Meeraq aamma meeqqerivik Mike.

Meeraaqqerivimmi Meeqqami meeqqat 46-nut amerlassusiligaapput kiisalu sulisut 16-inut amerlassusiligaallutik, taakkunannga marluk tassaallutik pisortaq pisortallu tullia. Meeraaqqerivik ulloq 30. oktobari 2020-mi 39-nik meeraateqarpoq.

Meeqperivimmi Mikemi meeqqat 66-inut amerlassusiligaapput sulisullu 14-inut amerlassusiligaallutik, taakkunannga marluk tassaallutik pisortaq pisortallu tullia. Meeqperivik ulloq 30. oktobari 2020-mi 57-inik meeraateqarpoq.

Nakkutilliinermi paasineqarpoq, meeqqerivinni marluusuni perorsaanikkut ukiumut pilersaarutininik sulinerminni najoqqutaqartut, ilaatigut ullut pisussat pilersaarusioneqartarlutik. Tamatumunnga peqatigitillugu inini ataatsimiinnerni sammisassanik pilersaarusiortoqartarpoq.

Aammattaaq perorsaaneq timersornertalik sammineqartarpoq, ilaatigut meeqqat timimik atornissaannut ilinniartarlutik. Meeqqami perorsaaniikkut tunngaviusut arlallittaaq tunngavigalugit sulisoqarpoq, ilaatigut meeqqat inuttut ineriartornerat, timaat aalanerallug, namminersornerat, pinngortitamik ilisimasaqarnerat, iliuseqarsinnaanerat, oqaasii inooqataanerilu kiisalu angajoqqaanik suleqateqarneq atuarfimmullu ikaarsaernerit nukittorsarneqarlutik. Ulluunerani paaqqinnittarfinni marlunni qinngasaarisarneq akiorniarlugu suliniut Kammagiitta atornerarpoq.

Tamatuma saniatigut paaqqinnittarfinni misissuinermi atortut ineriartornerlu pillugit allaaserisat atornerarput, ilaatigut meeqqap ineriartorneranik nassuiaatitut atornerarlutik. Aamma taanna angajoqqaanik ukiup affakkaarlugit oqaloqateqarnermi atornerartarpoq, tassanilu atortut atorlugit meeqqap ineriartornera qanoq pitsanngorsarneqarsinnaanersoq pillugu angajoqqaanik oqaloqateqartoqartarluni. Angajoqqaanik suleqateqarneq pingaartinneqangaarpoq, aamma nakkutilliinerup nalaani qanimut pitsaasumillu suleqatigiinnertut ingerlanneqartoq taaneqarluni, ilaatigut angajoqqaat oqaloqatiginninnissamik pisariaqartitsigunik aqutsisumut saaffiginnissinnaajuannarlutik.

Nakkutilliinerutaaq nalaani ulluunerani paaqqinnittarfiit marluusut akornanni aqutsineq ingerlatsinerlu pitsaasoq ataqatigiissarluugaasorlu oqaatigineqarpoq. Paaqqinnittarfiittaaq nassuiaatigaat kommunip perorsaanermit siunnersortai pitsaasumik qanimullu attaveqarfigineqartartut, tamatumalu taamaaginnarnissaa naatsorsuutigineqarluni.

Aammattaaq oqaatigineqarpoq perorsaasunut angajoqqaanullu paasissutissat pingaarnepaat paaqqinnittarfiit isaariaasa eqqaanni ersarissumik allagarsiivimmiitineqartartut.

#### *Aaqqiissutissatut siunnersuut – suliatigut naliliineq*

Paaqqinnittarfiit perorsaaniikkut ukiumut pilersaarutit sammisassaqartitsinermullu pilersaarutit malillugit ingerlasut Meeqqanut Atuarfeqarnermullu Ingerlatsivimmit nalilernerarpoq. Tamatuma saniatigut meeqqat angajoqqaallu iluaqutigisaannik ineriartortitsinissamut atortussat paaqqinnittarfinniit atornerarput.

Paaqqinnittarfiit marluusut illutai tamarmik nutaanngilisimapput, taamaammallu pitsanngorsarlugillu iluarsaattariaqarsinnaallutik. Meeqquerivik Mikemi pequtit arlallit taarserneqartariaqaraluarput. Maannakkut paaqqinnittarfinni meeqqat aalasarnissaannut inissanik anginerusunik pisariaqartitsipput.

Tamatuma saniatigut meeqqerivik Mikemi pinnguartarfik iluarsartuunneqartariaqarlunilu pitsanngorsartariaqarpoq.

Napparsimalluni sulinngitsoortarnerit pillugit oqaloqateqartarnerit aqutsisunit aallunneqarnerulerput, kingunerisaanillu sulisut aalajaannerulerput. Maannakkut taartissanik pisariaqartitsinerit taama annertutigiunnaarput.

Pikkorissarnerit, piginnaanngorsarnerit ilinniaqqinnerillu kiisalu suleqatit akornanni sulianut tunngatillugu oqaloqateqartarnerit amerlanerusut paaqqinnittarfinni marluusuni sulisut akornanni piumanerarput. Ukiuni kingullerni marlunni sulisut ilinniartitaanissaat ingerlatsivimmit ukkatarineqarput, ilaatigut sulisut ilinniarsimannngitsut pingaarnersiorneqarlutik.

Tamatuma saniatigut Paamiunut pilersuineq peqqutaalluni nioqqutissanik atortussianillu uninngasuuteqarneq eqqarsaatigalugu (ass. nangit, aaqqatit, qaqorsaait il. il.) paaqqinnittarfinni peqqumaataasiveqarnissaq pisariaqassaaq, ajornanngippat qaammammut ataatsimut naammattumik. Taamaanngippat pilersuineqanngitsuussagaluarpat tamakkua amigaatigineqaratarsinnaapput.

### *Aningaasatigut sulisoqarnikkullu naliliinerit*

Ingerlatsivik Paamiunut oktobari 2020-mi sulinermit atatillugu angalavoq. Tamatumunnga atatillugu pisortat marluusut missingersuutit pillugit ataatsimeeqatigineqarput. Tamatumunnga atatillugu pequtit nutaanngilisimasut taarsersoriartuaarnissaat innersuussutigineqarpoq. Aammattaaq ilisimatinneqarput pisiniartarnitik pingaarnersiorsinnaagaat, taamaalillutik ukiumut naatsorsuutit inaarutaasut takkuppata atuinerunertut isikkoqassanngillat.

### *Inatsisitigut tunngavissaq allakkallu tunngaviusumik uppernarsaatitallit*

- Inatsisartut inatsisaat nr. 16, 3. december 2012-imeersoq.
- Meeraaqqerivik Meeraq pillugu nakkutilliinermi nalunaarusiaq
- Meeqqerivik Mike pillugu nakkutilliinermi nalunaarusiaq

### *Ingerlariaqqinnissaq*

Meeqqanut Atuarfeqarnermullu Ingerlatsiviup meeraaqqerivimmi Meeqqami ikuallattoqartillugu sungiusarnermik ingerlatsissasut innersuussutigivaa.

Paaqqinnittarfinni tamani sulisunik pikkorissartitsinissanut pilersaarusionerit nangingneqassapput, taamaalillutik Covid-19-imut tunngatillugu killilersuinerit atorunnaarpata pilersaarutit atorsinnaalerniassammata.

Paamiuni nakkutilliineq tulleg 2021-mi pissaaq.

### **Aningaasaqarnermut Allatseqarfimmit oqaaseqaatit**

Pisariaqanngilaq.

### **Innuttaasunik peqataatitsineq/attaveqaqatigiinneq**

Soqanngilaq.

### **Ingerlatsivinnit allaniit oqaaseqaatigineqartut**

Pisariaqanngilaq.

### **Siusinnerusukkut aalajangerit**

*Meeqqanut Atuarfeqarnermullu Ataatsimiititap 04. decembari 2020-mi aalajangiinera:*  
Inassuteqaat akuersissutigineqarpoq.

### **Ilanngussat**

1. Meeraaqqerivik Meeraq pillugu nakkutilliinermi nalunaarusiaq
2. Meeqqerivik Mike pillugu nakkutilliinermi nalunaarusiaq

# **Punkt 05D: Nanu Travel 2021-imi kiffartuussinissamik isumaqatigiissuteqarfigineqarnera**

## **Beslutning**

Charlotte Pike (IA) suliamut attuumavallaarluni ataatsimiinnermit anivoq.

Inassuteqaat imatut oqaaseqaatitalerlugu akuersissutigineqarpoq: Kiffartuussinissamut aningaasaliissutit 300.000-inik annertussuseqartut inassuteqaammut ilanngunneqassapput.

## **Bilag**

Nanu Travel ApS-ip aamma Kommuneqarfik Sermersuup akornanni 2021-mut kiffartuussinissamik isumaqatigiissutissaattut siunnersuut

Nanu Travel ApS-ip aamma Kommuneqarfik Sermersuup akornanni 2021-mut kiffartuussinissamik isumaqatigiissummut ilanngussaq

2020-mi kvartalip siullermi Nanu Travelip nalunaarusiaa

2020-mi kvartalip aappaanni Nanu Travelip nalunaarusiaa

2020-mi kvartalip pingajuanni Nanu Travelip nalunaarusiaa

## **Nanu Travel 2021-imi kiffartuussinissamik isumaqatigiissuteqarfigineqarnera**

Aalajangiiffigisassaq

J.nr: EMN-2020-30001

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Kommuneqarfik Sermersuup Nanu Travel sullissinissamik isumaqatigiissuteqarfigivaa ukiumiit ukiumut isumaqatigiinniutigineqartartussamik. Sullissinissamik isumaqatigiissutip Nanu Travel pisussaaffilerpaa takornariaqarneq pillugu paasissutissiinermik aamma Ittoqqortoormiini takornariaqarnermut siuarsaataasunik sulianik ingerlatsinissaanut. Kiffartuussinissamik isumaqatigiissuteqarnermi Ittoqqortoormiini takornariaqarnikkut siuarsaataasunik suliaqarnermik tapersersuinissaq siunertaavoq.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamat inassuteqaatigaa:

- Kommuneqarfik Sermersuup aamma Nanu Travel ApS-ip kiffartuussinissamik isumaqatigiissutaat 2021 akuersissutigineqassasoq
- Suliaq Kommunalbestyrelsimut akuerisassanngorlugu ingerlateqqinneqassasoq

### **Suliassamik saqqummiussineq**

Kommuneqarfik Sermersuup Nanu Travel sullissinissamik isumaqatigiissuteqarfigivaa ukiumiit ukiumut isumaqatigiinniutigineqartartussamik. Sullissinissamik isumaqatigiissutip Nanu Travel pisussaaffilerpaa takornariaqarneq pillugu paasissutissiinermik aamma Ittoqqortoormiini takornariaqarnermut siuarsaataasunik sulianik ingerlatsinissaanut. Nanu Travel takornariartitsinermik suliffeqarfiuvoq namminersortoq, Islandimeersumit Nonni Travel-imit pilersinneqarsimasoq.

Sermersooq Business ulloq 16. novembari 2020 Nanu Travel 2021-mut kiffartuussinissamik isumaqatigiissut pillugu ataatsimeeqatigaa. Ataatsimiinneq tunngavigalugu Sermersooq Business-ip ukioq 2021-mut kiffartuussinissamik isumaqatigiissummut siunnersuut suliaraa.

Nanu Travel ApS-ip kiffartuussinissamik isumaqatigiissummik naammassinninnissaa qulakkeerniarlugu kiffartuussinissamik isumaqatigiissut ersarissumik periuseqarnissamik imaqarpoq. Nanu Travel ApS kommunimut ataavartumik kvartalikkuaartumik, aaqqissuussanik nassuiaatitalimmik, Sermersooq Business-imut nalunaarusiortussaataavoq. Nanu Travel ApS aaqqissuussanik, kiffartuussinissamik isumaqatigiissutaasimasunik, ingerlatsinngikkaangat kiffartuussinissamat aningaasaliissutit ilanngarneqartassapput, taamaalilluni aaqqissuussat 2021-p naannginnerani naammassineqarpata naammassineqarsimappataluunniit aatsaat akiliineq pisinnaassaaq .

2021-mut kiffartuussinissamik isumaqatigiissummi Nanu Travel ApS pisussaaffilerneqarpoq, Ittoqqortoormiini eqqaanilu takornariaqarnermi siursaanissamat iluaqutaasussanngorlugu uku suliarissallugit:

- Ittoqqortoormiini takornarianut paasissutissiivittut atuuttussamat
- Ittoqqortoormiit kiisalu Nuna Eqqissisimatitaaq pillugu nunarsuarmi tamanut mailikkut akissuteqartarneq.

- Takornariat uteqqikkusuttut takornariassamaartullu akornanni attaveqatigiinneq.
- Angalanissanut, ukiumi (qimusserneq, qamuterallannik angallanneq), aasami (umiatsiamik angalaarnernut, qajartornernut, pisuttuarnernut) piareersaanerit
- Inissianik B-186 aamma B-195-imik aserfallatsaaliinerit.

2021-mut kiffartuussinissamut isumaqatigiissummut siunnersuut suliamut ilanngunneqarpoq.

### **2020-mi Nanu Travelip suliassa killiffiat**

Kvartalimi siullermi Nanu Travel katillugit inunnik 8-nik sulisitsivoq, takornarianik angallassisutut, eqqumiitsuliornikkut aamma allaffissornikkut. 2020-mi januaarip qaammataani pisortaasimasoq Mette Pike Barselajsen atorfinnimit tunuarpoq. Taarsiullugu Olena Madsen pisortatut atorfinnissineqarpoq. Covid-19 pissutigalugu ataasiaannarluni qamuterallannik angallassisoqarpoq, kvartalimilu siullermi qimussimik angallassinermut tunngatillugu. Marsip 13-iannit apriliip 13-iannut allaffik matoqqavoq.

Kvartalip aappaani Nanu Travel katillugit inunnik 11-nik sulisitsivoq, takornarianik angallassisutut qulit allaffimilu ataaseq. Takornariatussat tamarmik taamaatipput. Taarsiullugu kommune suleqatigalugu Nanu Travel meeqqanik umiatsiamik angallassivoq, angalaarnermut meeqperivik Paarsisormut ikuutaavoq aamma isumannaallisaanermut umiatsianik isumaginnippoq, kiisalu inuiattut ullorsiornermi meeqqanut qajartortunut isumannaallisaanermut umiatsianik piareersimasuuteqarluni.

Umiarsuit takornariartaatit taamaatiinnartussaasut suli ilisimaneqanngitsoq Nanu Travel umiarsuarsuit takornariartaatit tikinnissaannut sapinngisamik attuinaveersaartitsilluni tikittoqarnissaq piareersarpar, soorlu ilaatigut internetikkut tammajuitsussanik inniminniinnikkut illoqarfimmi umiarsuit takornariartaatinut ilaasunut tunniussisinnaaneq pillugu. Umiarsuit takornariartaatit tamarmik taamaatinneqarput.

Kvartalip pingajuanni Nanu Travel-ip ilisimatuut, assiliisartut aamma illoqarfimmi inuiaqatigiit kiffartuuteqqippai, ilaatigut kommunimi Peqqinnermut Susassaqartitsinermullu Immikkoortortaqarfik, meeqperivik Paarsisor aamma Ejner Mikkelsen Aluarpia suleqatigalugit.

Kvartalip pingajuanni Nanu Travel Majoriameersumik sulinerimik sungiusartuuteqarpoq.

### ***Aaqqiissutissatut siunnersuut – suliatigut naliliineq***

Ingerlatsivimmit Nanu Travel ApS-imik kiffartuussinissamut isumaqatigiissut siunnessami ltoqqortoormiini, najukkami innuttaasunut inuussutissarsiornermullu iluaqutaasumik, takornariaqartitsinermut aaqqiissuussat amerlissasut nalilerneqarpoq. Nanu Travel ApS-imit kvartalikkuaartumik nalunaarusiat Sermersooq Business-imut nassiunneqartalernerisigut aaqqiissuussat uuttorneqarsinnaanerit takuneqarsinnaanerallu pitsaanerulissasoq nalilerneqarpoq. Aammattaaq kiffartuussinissamik isumaqatigiissut suleqatigiinnissamik isumaqatigiissummi qitiutinneqartunut naapertuuttusoq nalilerneqarpoq, uani kommune tamakkerlugu takornariaqarnikkut inuussutissarsiornerup siuarsarneqarnissaanik peqataasariaqarneq eqqarsaatigalugu.

300.000,00 koruuninik aningaasaliissuteqarnissap aalajangiusimaannarnissaa innersuussutigineqarpoq.

### ***Aningaasatigut sulisoqarnikkullu naliliineq***

Kiffartuussinissamut aningaasaliissutit 300.000-inik annertussuseqartut Kommuneqarfik Sermersuup 2021-mut missingersuutaanut ilaapput.

### *Inatsisitigut tunngavissaq allakkallu tunngaviusumik uppermarsaatitallit*

- Inuit Ataqatigiit Demokraatillu 2017-imiit 2021-mut suleqatigiinnissamik isumaqatigiissutaat
- Kommunit inuussutissarsiutini il.il. aningaasaliinermikkut inuussutissarsiutininik ineriartortitseqataanissaminut periarfissaat pillugit Inatsisartut Inatsisaat nr. 23, 18, decembari 2003-meersoq.
- Kommunit aqunneqarnerat pillugu Inatsisartut inatsisaat nr. 22, 18. novembari 2010-meersoq.

### *Ingerlariaqqinnissaq*

Akuersissutigineqariapat Nanu Travel kiffartuussinissamik isumaqatigiissut naapertorlugu kiffartuussinissamut aningaasaliissutinik 2021-mi kittaartumik akilerneqartassaaq, Nanu Travelilu suliat pillugit kvartalikkuutaartumik nalunaarusiortassalluni.

Kvartalikkuutaartumik nalunaarusiat 2020-mi 1, 2 aamma 3 suliami ilanngussatut ilanngunneqarput.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqartinniarneqanngilaq.

### **Innuttaasunik peqataatitsineq/attaveqaqatigiinneq**

Soqanngilaq.

### **Ingerlatsivinnit allaniit oqaaseqaatigineqartut**

Soqanngilaq.

### **Ilanngussat**

1. Nanu Travel ApS-ip aamma Kommuneqarfik Sermersuup akornanni 2021-mut kiffartuussinissamik isumaqatigiissutissaattut siunnersuut
2. Nanu Travel ApS-ip aamma Kommuneqarfik Sermersuup akornanni 2021-mut kiffartuussinissamik isumaqatigiissummut ilanngussaq
3. 2020-mi kvartalip siullermi Nanu Travelip nalunaarusiaa
4. 2020-mi kvartalip aappaanni Nanu Travelip nalunaarusiaa
5. 2020-mi kvartalip pingajuanni Nanu Travelip nalunaarusiaa

## **Punkt 05E: Tasiilaq pillugu tamakkiisumik pilersaarutip inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutitik suliaqarneq

Tusarniaanermi akissutit tiguneqartut

Tasiilaq pillugu Tamakkiisumik pilersaarut

## **Tasiilaq pillugu tamakkiisumik pilersaarutip inaarutaasumik akuersissutigineqarnera**

Aalajangiiffigisassaq

J.nr.: EMN-2020-00010

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Tasiilaq pillugu tamakkiisumik pilersaarut tamanut tusarniaassutigineqarpoq piffissami 22. juni – 17. august 2020. Piffissami tusarniaaffiusumi tusarniaanermut akissutit arfineq-pingasut tiguneqarput, taakkulu oqaaseqatigiinnik annikitsunik allannguuteqartitsipput. Ilassuteqaatinut tunngavilersuutit arlaqarput, tamakkulu politikikkut isummerfigineqartariaqarput.

Tasiilaq pillugu tamakkiisumik pilersaarut pilersaarutaavoq illoqarfiup atorneqarnissaanut periarfissanik aalajangersaasusaaq siunissamilu qanoq pitsaanerpaamik ineriartortinneqarnissaannik aamma/imaluunniit nukittorsarnissaannik takutitsisuusoq. Pilersaarummi illoqarfiup pitsaaqutai pitsanngorsaaviginarneqarput, taamaalilluni orniginarnera, qorsooqqinnera, illoqarfiup piujartinneqarnissaa attatiinnarneqarniassammat, tassanilu illoqarfiup qeqqata ingerlalluarnissaa pingaartinneqassaaq, ataatsimoorinissamut periarfissaqassaaq, illoqarfiup innuttaasui peqqinnissamut aalanissamullu periarfissinneqassallutik.

Pilersaarummi suliniutissat assigiinngitsut immikkoortiterneqarput, tamarmilli ataatsimut qulequtaqarput; illoqarfimmik innuttaasunut ataqatigiisumik pilersitsinissaaq. Pilersaarut tamakkiisooq Najukkami Ataatsimiititaliamit sakkussaavoq, iliuseqarnermilu malittarinnillattaartarnissamut aallaaviusassalluni.

Suliaq Sanarfinermut Avatangiisinullu Ataatsimiititap 07. decembari 2020-mi ataatsimiinnerani oqaluserineqarpoq, ataatsimiititallu inassuteqaat akuersissutigaa, oqaaseqaatigalugu nunaminertami asfalterisuinissaaq ilanngunneqassasoq suliarlu akuersissutigisassanngorlugu Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- Tasiilaq pillugu tamakkiisumik pilersaarut akuersissutigineqassasoq
- suliaq Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

### **Suliassamik saqqummiussineq**

Pilersaarusiornermi periusissaaq P18, kommunimut pilersaarut Sermersooq2028, politikikkut akuersissutigineqartoq toqqammavigalugu Tasiilaq pillugu tamakkiisumik pilersaarusiarnineqarpoq, pilersaarummilu immikkut ittumik pingaarnertut qitiutinneqartoq aallaavigineqarpoq: *illoqarfiup qeqqa orniginartoq* Pilersaarummi illoqarfiup pitsaaqutai pitsanngorsaaviginarneqarput, taamaalilluni orniginarnera, illoqarfiup qeqqata ingerlalluarnissaa pingaartinneqarluni, attatiinnarneqassalluni.

Matumani illoqarfimmi pioreersut ineriartorteqinneqarnissaat siunertaavoq, taakkulu Tasiilaq najoruminartuujarnissaanut pitsanngorsaavigineqarlutillu nutarterneqassapput. Tasiilamut tunngatillugu siunissami aningaasaqarnikkut pilersaarusiornermut atatillugu tamakkiisumik

pilersaarut Najukkami Ataatsimiititaliamit kommunalbestyrelsimillu sakkussaavoq isumassarsiorfissaallunilu.

Pilersaarummi illoqarfimmi suliniuteqarfissat pillugit najoqqutassiortoqarlunilu sinaakktissanik pilersitsisoqassaaq - tassa matumani pineqarlutik aqqusinerni qullit, pinnguartarfinnik pilersitsinerit imaluunniit eqqumiitsuliat atorlugit kusassanerit. Pitsaanerulersitsinissamut illoqarfiullu ineriartortinnissaanut suliniutit tamarmik illoqarfiup qeqqanik pitsaanerulersitsillutillu ataatsimuulersitsissapput, tamannalu pillugu Tamakkiisumik pilersaarummi suliassaq pingaarnerpaaq tassaavoq tamatumunnga najoqqutassiornissaq.

Tusarniaanermi piffissarititaasoq qaangiummat siunnersuutit arlaqartut pilersaarummut ilanngunneqarput, tunngaviatigulli allannguutit pineqarmata politikikkut aalajangiiffigineqartariaqarpoq. Siunnersuutitut ilaapput:

- Ivigaaraasanik arsaattarfiup aqqusernup tungaanut killilersuuteqarnissaa, arsaq avataanut assakaasaqqunagu
- Qimmiliviit tungaanut pallittaalisaaqarnissaa
- Qimmilivinnut erngup aqqutaanik pilersitsinissaq.

#### *Aaqqiissutissatut siunnersuut – suliatigut naliliineq*

Tamakkiisumik pilersaarummi suliniutinik maannakkut aallartinneqarsinnaasunik piffissallu ingerlanerani illoqarfimmi immikkoortuni ineriartuuteqarfiusinnaasunik siunnersuutinik imaqartoq ingerlatsivimmit nalilerneqarpoq. Taamaalilluni tamakkiisumik pilersaarummi aningaasaqarnikkut pissutsinik periarfissanillu assigiinngitsunik nikisititerisoqarnissaanik naleqqussaaneermik imaqarpoq.

#### *Aningaasatigut sulisoqarnikkullu naliliinerit*

Tamakkiisumik pilersaarut aningaasaqarnikkut sulisoqarnikkullu sunniuteqartitsissangilaq, Tasiilamili iluarsartuussinissamut pitsanngorsaaneissamullu aningaasaliisoqartariaqarneranik taakkartuiffiulluni.

#### *Inatsisitigut tunngavissaq allakkallu tunngaviusumik uppermarsaatitallit*

- o Pilersaarusionerit aamma nunaminertat atornerqartarnerat pillugit Inatsisartut inatsisaat nr. 17, 17. november 2010-imeersoq
- o Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Akuersissutigineqassappat pilersaarut sanarfinermut immikkoortortamut nassiunneqassaaq, tassanilu missingersuut suliassallu allat tullerriaarneri suliarineqassallutik.

#### **Aningaasaqarnermut Allatseqarfimmit oqaaseqaatit**

Kommunimi 2021-2029-mut sanaartornermut missingersuutini Tasiilaq pillugu tamakkiisumik pilersaarummut aningaasanik immikkoortitsisoqarnikuunngilaq. Tamakkiisumut pilersaarut akuerineqassappat, siuliini nassuiaatigineqartutut, sanarfinermut immikkoortortaqarfik tamakkiisumut pilersaarummi suliniutissat pilersaarusionerannut missingersuusionerannullu ikiuutaassaaq. Taamaattumik Tasiilaq pillugu tamakkiisumik pilersaarummut aningaasaliissutit 2022-mut missingersuusionerimut atatillugu aatsaat immikkoortinneqassapput. Tamatuma tungaanut suliniutit annikinnerusut Tasiilami Ataatsimiititaliamit, ukiumut 350.000 koruuninik missingersuuteqartoq, aningaasaliiffigineqarsinnaassapput.

#### **Innuttaasunik peqataatitsineq/attaveqatigiinneq**

Tasiilami Najukkami Ataatsimiititaliaq suleqatigalugu tamakkiisumik pilersaarut suliarineqarpoq, innuttaasunik ataatsimiititsinermilu qulequttanik pissarsiarineqartunik imaqarluni. Siunnersuut suliarineqareermat illoqarfimmi soqutigisaqaqatigiinnut misissugassanngorlugu pilersaarut nassiunneqarpoq. Taamatut suliaqarnermut atatillugu siunnersuummut annikitsunik iluarsiissutinik takkuttoqarpoq. Pilersaarut kingullermik tamanut tusarniaassutigineqarpoq, tamanna najukkami allagarsiissutigineqarluni.

### **Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

### **Siusinnerusukkut aalajangernerit**

Sanarfinermut Avatangiisinullu Ataatsimiititap decembarip arfineq-aappaanni 2020-mi aalajangiinera:

Ilisimatitsissut tusaatissatut tiguneqarpoq ima oqaasertalerlugu: nunaminertap asfalterneqarnissaa ilanngunneqassasoq.

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Tasiilaq pillugu Tamakkiisumik pilersaarut

## **Punkt 05F: 2021-mut Eqqakkat pillugit malittarisassiat nutaat**

### **Beslutning**

Inassuteqaat akuersissutigineqarpoq.

### **Bilag**

2021-mut Eqqakkat pillugit malittarisassiat - Kommuneqarfik Sermersuumi eqqakkanik pilersitsisarneq

Allannguutinut diagrammi

## **2021-mut Eqqakkat pillugit malittarisassiat nutaat**

Angerlarsimaffinnit aamma inuussutissarsiteqartunit eqqakkat pillugit malittarisassiat 2021

Aalajangiiffigisassaq

J.nr.: EMN-2020-00556, Akt ID 7

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Kommunimi Inuussutissarsiortut eqqagaat pillugit malittarisassiat aamma angerlarsimaffinniit eqqakkat pillugit malittarisassiat nutarterneqarnerinut atatillugu, eqqakkat kommunimit isumagineqartarneri pillugit nutaaliortoqarpoq. Malittarisassiat nutaat sukumiinerujussuupput siuliinullu sanilliullugit eqqakkat pillugit immikkoortitigaanerullutik. Tamatumunnga peqatigitillugu immikkoortiterinermut aaqqiissutit ilaat periarfissatut inissisimagaluartut maanna pinngitsoorani naammassisassatut inissisimatinneqalerput.

Taamaalilluni malittarisassiat nutaat atorlugit kommune eqqaasartunut piunaffiginninnerulersinnaalerpoq. Avatangiisit mingutsinnaveersaarlugit eqqakkanik eqqortumik passussinissamut kommunip periarfissaasa pitsanngorsarnissaat matumani siunertarineqarpoq, aamma immikkoortortat tunitsivissat nutaat/pilersinneqartussat passunnissaannut naleqqussartuarnissamik eqaallisaaneq ilanngullugu.

Eqqakkat pillugit malittarisassiat nutaat aqutigalugit aamma atuisunut tulluarsaaneruneq pivoq, ilaatigut inuussutissarsiortunit aamma inoqutiginnit eqqakkat ataatsimoortillugit malittarisassiortoqluni.

Suliaq Sanarfinermut Avatangiisinullu Ataatsimiititap decembarip arfineq-aappaanni 2020-mi ataatsimiinnerani oqaluuserineqarpoq, tassanilu "Kommuneqarfik Sermersuumi eqqakkanik pilersitsisartut pillugit Eqqagassanut malittarisassiat" akuersissutigineqarput, suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqinneqassalluni.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- "Kommuneqarfik Sermersuumi eqqakkanik pilersitsisarnermi 2021-mut Eqqakkat pillugit malittarisassiat" akuersissutigineqassasut
- suliaq Kommunalbestyrelsimut akuersissutigisassanngorlugu ingerlateqqinneqassasoq

### **Suliassamik saqqummiussineq**

Eqqagassaleriffiup 2021-mi malittarisassiat allanngortippai. Siusinnerusumut sanilliullugu pingaarnerusumik allannguut tassaavoq malittarisassiani suliat allaaserineqarneri, kommunip eqqakkat pillugit nalunaarsueriaasia taavalu akigitit akornanni naapertuunnerulersinneqarnerat, taamaalillutik siusinnerusumut sanilliullutik atuisunut tulluarsagaanerulerlutik, tassa innuttaasunut sullivinnullu.

Taakku saniatigut eqqakkanik pisariaqartutigut immikkoortiterisarnissamik piunasaqaat malittarisassiani nutaani ilanngunneqarpoq. Nalinginnaasumik atoqqiisarnissamik periarfissat annertusarniarlugit avatangiisillu eqqarsaatigalugit illersorsinnaasumik passussisarnissaq qulakkeerniarlugu, immikkoortitigassat ilaat ilanngunneqarput.

Malittarisassiani nutaani pisiniarfinniit, aalisakkerivinniit, aalisartuniit piniartuniillu assigisaannillu eqqagassat tigoorarneqartarnerinut atatillugu Eqqagassaleriffimmi ilungersunartarnerat eqqarsaatigineqarput.

Suliassamik saqqummiussaliami uani ilanngunneqarpoq allannguummut diagrammiliaq, tassani allaaserineqarluni malittarisassiamut pisoqqamut sanilliullugu "Kommuneqarfik Sermersuumi eqqakkanik pilersitsisarnermi 2021-mut Eqqakkat pillugit malittarisassiat" erseqqissuliarineqarput.

*Aaqqiissutissatut siunnersuut – suliatigut naliliineq*  
Qulaani allaqqasoq takuuk.

*Aningaasatigut sulisoqarnikkullu naliliinerit*  
Eqqakkanut malittarisassiani allannguutit ataatsimut isigalugit kommunimut aningaasartuutaannginnissat matumani anguniarneqarpoq.

Eqqakkanik aallertarnerit pillugit akit naleqqussarneqarput, taamaalillutik akit kommunip eqqakkanik ataasiakkaanik immikkoortitigassanik passussineranut aningaasartuutaasut matussusernissaannut oqimaaqatigiissinneqarnissat naapertuutissalluni atoqqiinarneq peqataanik annertusarneqarluni. Annertunerusumik immikkoortiterisarneq akinut pingaarnertut apparsaaqataassaaq, eqqagassallu ataatsimoortut/immikkoortiterneqanngitsut kukkusumik immikkoortiterinermut akitsuutininut ilanngunneqassallutik, taakku eqqakkat Eqqagassaleriffimmi suliareqqinnerani matussutaasussaapput.

Immikkoortiterinissamat piunasaqaateqarnerunikkut atoqqiinissamat atorluanaanissamullu periarfissat pitsaanerulissammata, eqqagalerinermi nalinginnaasumik sulisunik atorluanikkut siuarsaasoqarnissaa malittarisassiat kinguneqassasut naatsorsuutigineqarpoq.

*Inatsisitigut tunngavissaq allakkallu tunngaviusumik uppersaatitallit*  
Atoqqiisarnissap siuarsarneqarnissaa kommunimilu eqqagassanik passussisarnermit avatangiisinut kingunerlutsitsisarnerit annikilliniarlugit Kommuneqarfik Sermersuumut Eqqagassat pillugit pilersaarummi pingaarnertut anguniakkat naapertorlugit malittarisassianut nutaanut naapertuupput. Kommunimi annertunerusumik atoqqiisarnissaq politikikkut anguniakkat malittarisassiatigut nutaatigut sukumiisumik siuarsarneqassaaq (eqqagassat pillugit pilersaarummi anguniakkat arfineq-aappaat).

Malittarisassiat nutaat Nunatsinni eqqagassalerinermut periusissiamut naapertuupput.

*Ingerlariaqqinnissaq*  
Malittarisassiat akuersissutigineqassappata tamatuma kinguninngua tamanut saqqummiunneqassapput aammalu aallartinneraniit "ingerlatsinermut" ilanngunneqassallutik.

Malittarisassiat nutaat tamanut saqqummiunneqarnerini paasisitsiniaaneq ingerlanneqassaaq, taannalu naapertorlugu kommunimi eqqakkanik tunniussisarneq immikkoortiterisarnerlu pillugit malittarisassat nutaat suliffeqarfinnut innuttaasunullu maluginiaqquneqassapput, kiisalu nutaatut piunasaqaataasut kingunerisaannik avatangiisinut sunniutaasussat ilanngullugit maluginiaqquneqassallutik.

**Aningaasaqarnermut Allatseqarfimmit oqaaseqaatit**  
Aningaasaqarnermut Allatseqarfik oqaaseqaatissaqanngilaq.

**Innuttaasunik peqataatitsineq/attaveqaqatigiinneq**  
Soqanngilaq.

## **Ingerlatsivinnit allaniit oqaaseqaatigineqartut**

Soqanngilaq.

## **Siusinnerusukkut aalajangiinerit**

*Decembarip arfineq aappaanni 2020-mi Sanarfinermut Avatangiisinullu Ataatsimiititap aalajangiinera:*

Inassutigineqartoq akuerineqarpoq.

## **Ilanngussat**

1. 2021-mut Eqqakkat pillugit malittarisassiat - Kommuneqarfik Sermersuumi eqqakkanik pilersitsisarneq
2. Allannguutitut diagrammi

## **Punkt 05G: Nuummi bussit unittarfiini utaqqisarfiit**

### **Beslutning**

Inassuteqaat akuersissutigineqarpoq.

### **Bilag**

Bussit unittarfiini illuaqqat assigiinngitsut nutaat\_ILANNGUAAQ 1\_Suussusaa Moment

Bussit unittarfiini illuaqqat nutaat\_ILANNGUAAQ 2\_Suussusaa Træmiljø

## Nuummi bussit unittarfiini utaqqisarfiit

Utaqqisarfinnik misiligutinik pisinissaq, misiliinissaq.

Aalajangiiffigisassaq

J.nr.: ANL-2020-00021

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### Suliassamik eqikkaaneq

Bussit unittarfiini utaqqisarfiit pissusissamisoortumik taarsersorneqarnissaannut ilanngullugu illuaqqanik arfinilinnik assigiinngitsunik angissusilinnik isikkulinnillu pisisoqassaaq, taakkulu issittumi silaannarmut naleqquttuunersut misilerarneqassapput. Illuaqqat LED-nik qullilersorneqassapput, aammalu ilaasut toqqissimanerulernissaat ingerlatitsisullu malinnaalluarnissamut periarfissaqarnerunissaannut siuarsaataassallutik.

Suliaq Sanarfinermut Avatangiisinullu Ataatsimiititap decembarip 07-ianni 2020-imi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqillugu.

### Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatiga:

- Nuummi bussit unittarfiini illuaqqat nutaat akuersissutigineqassasut.
- suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

Bussit unittarfiini illuaqqat pioreersut qullilersugaanatillu serlersaarfigineqartarput. Nalinginnaasumik illuaqqat qalipaatinik serlersaarfigineqartarput, angalaffissat pijaarneqartarput, aammalu ikkat quttaaffigineqartarlutik. Illuaqqat qullilersorneqarnissaat kissaatigineqarpoq, ilaatigut toqqissimanerulersitsinissaq aammalu serlersaarisarnerit ikilisinneqarnissaat siuarsarniarlugu, peqatigitilluguli ingerlatitsisut illuaqqani ilaasussanik suli utaqqisoqarneris takusinnaaniassammassuk. Illuaqqanik maannakkut ajornakusoortumik eqqiaaniartarneq ilusaatigut ajornanginnerulersinniarnearpoq.

Illuaqqanik assigiinngitsunik marlunnik neqerooruteqartitsisoqarpoq, tuniniaasumit ataatsimit isikkui marluk pingasuullutik, Norfax AS, 'Moment' aamma 'Træmiljø'.

Illuaqqat angissusii assigiinngitsut qanoq atorluarneqarsinnaanersut misilinneqarnissaat pilersaarutaavoq, illuaqqallu nutaat inissisimaffiini silap qanoq inneranut misilerarnerisigut, nalinginnaasumik aserfallakkiartortarneq eqqarsaatigalugu qanoq sivisutigisumik atasinnaanersut qanorlu silaannarmik sunnerneqartigisarnersut paasineqarsinnaavoq.

#### Type 1; 'Moment'

Pingasunik talulik aluminiumik qisunnik qallikkanik, igalaaminernik ninngusuunik suliat toqqaviilu ilusaanut naleqqussakkat. Illuaraq pingasunik matoqqasunik taloqassaaq, tunuatigut isuisigullu.

- Silataata angissusaa: takissusaa: 3.15 m x 1 m x 1.94 m.
- Silataata angissusaa: takissusaa: 3,7 m x 1,4 m x 0,15 m.

#### *Atortut*

- Inunnut marlunnet issiaffissalik.
- Eqqaavik, 70L, toqqavimmuq maggussaq.

- Qullit-LED-mik qaamanillit pisiarinqarsinnaapput.

### Type 2; 'Træmiljø'

Illuaraq pingasunik talulik qisunnik aanaveersakkanik qalligaq, ningusuunik igalaalik toqqavii naleqqussakkat. Illuaraq tamakkerlugu matoqqasoq, saava ammasoq.

- Silataata angissusaa: takissusaa: 3.67 m x 1.4 m x 1.94 m.
- Silataata angissusaa: takissusaa: 3,9 m x 1,5 m x 0,15 m.

### *Atortut*

- Issisarfia.
- Eqqaavik 100L isuanut maggusaaq.
- Qullit-LED-mik qaamanillit pisiarinqarsinnaapput.

### *Aaqqiissutissatut siunnersuut – suliatigut naliliineq*

Nuup Bussii aamma Kommuneqarfik Sermersooq ataavartumik ataatsimeeqatigiittarput, taakkunanilu aserfallatsaaliinermut, eqqiaanermut, serlersaarinermit allanullu tunngatillugu ajornartorsiutit assigiinngitsut saqqummiunneqartarput eqqartuiffigineqarlutillu, ajornartorsiutaasullu anigorniarneqarnissaanut tunngatillugu illuaqqat qullilersukkat, ammasut akimut ersittut pigineqalerpata iluaqutaasinnaasoq nalilerneqarpoq.

### *Aningaasatigut sulisoqarnikkullu naliliinerit*

Ataatsimoortumik sanaartugassatut pingaarnersiuiinermi pisineq, assartuineq ikkussuinerlu ilanngullugit 1 mio. kr.-ingorlugit akeqassapput sanaartugassanullu missingersuutit iluanneereersunit akilerneqarsinnaallutik. Illuaqqanut neqeroorut norskit aningaasaataannik malillugit neqeroorutaavoq aammalu Norgeminngaanniit assartorneqarnissaat ilanngunneqanngilaq.

Illuaqqat pingasut 'Moment'; 281.600 NOK (~195.000 DKK)

Illuaqqat pingasut 'Træmiljø'; 279.000 NOK (~194.000 DKK)

### *Inatsisitigut tunngavissaq allakkallu tunngaviusumik uppersaatitallit*

- Pilersaarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq

### *Ingerlariaqqinnissaq*

Illuaqqat decembarip qiteqqunnerani pisiarinqassapput, taavalu qanoq sivistigisumik suliarineqarnissaat assartorneqarnissaallu apeqquutaalluni illuaqqat Nuummut apuuteriarpata ikkussuunneqarumaarput. Illuaqqat sumiiffinnut anorlernerpaaffiusartunut aputeqarneranilu apiffiunerusartunut inissinneqassapput, silap pissusaanut qanoq naleqqiullugit qanoq attartutiginersut misileraaffiginiarlugit.

### **Aningaasaqarnermut Allatseqarfimmit oqaaseqaatit**

Pingaarteqanngilaq.

### **Innuttaasunik peqataatitsineq/attaveqaqatigiinneq**

Soqanngilaq.

### **Ingerlatsivinnit allaniit oqaaseqaatigineqartut**

Oqaaseqartitsisoqanngilaq.

### **Siusinnerusukkat aalajangernerit**

*Sanarfinermut Avatangiisinullu Ataatsimiititap decembarip arfineq aappaanni 2020-mi aalajangiinera:*

Inassuteqaat akuersissutigineqarpoq.

**Ilanngussat**

1. Nye buskure\_Produktark Moment
2. Nye buskure\_Produktark Træmiljø

# **Punkt 05H: Sumiiffinnik Aqquserngillu Taaguutaannik Siunnersuisoqatigiit**

## **Beslutning**

Inassuteqaat akuersissutigineqarpoq.

## **Bilag**

Sumiiffiit Aqquserngillu Taaguutaannik Siunnersuisoqatigiinnut ileqqoreqqusaq

## **Sumiiffinnik Aqquserngillu Taaguutaannik Siunnersuisoqatigiit**

Aalajangiiffigisassaq

J.nr.: EMN-2020-00556, Akt ID 6

Sanarfinermut Avatangiisinullu Ingerlatsivik – Pisortaq Hans Henrik W. Johannsen / HHWJ

### **Suliassamik eqikkaaneq**

Sumiiffiit Aqquserngillu Taaguutaannik Siunnersuisoqatigiinni ilaasortat Kommunalbestyrelsimit toqqarneqarnikut ukiuni marlunni atuutereerput.

Sumiiffiit Aqquserngillu Taaguutaannik Siunnersuisoqatigiinni ileqqoreqqusaq malillugu ilaasortat kommunalbestyrelsimit toqqarneqartut ukiuni marlunni atuuttussatut toqqarneqassapput, taakkualu qinigaaqqissinnaapput.

Sumiiffinnik Aqquserngillu Taaguutaannik Siunnersuisoqatigiinni ilaasortatut qinigassanngortittut tamarmik pissarsiarineqarput, taakkualu Kommunalbestyrelsimut akuersissutigineqassapput.

Taamatuttaaq Sumiiffiit Aqquserngillu Taaguutaannik Siunnersuisoqatigiinnut ileqqoreqqusami allannguutissat sularineqarsimapput, Kommunalbestyrelsimiillu aamma akuersissutigineqassallutik.

Suliaq Sanarfinermut Avatangiisinullu Ataatsimiititap decembarip arfineq-aappaanni 2020-mi ataatsimiinnerani oqaluuserineqarpoq, tassanilu Sumiiffiit Aqquserngillu Taaguutaannik Siunnersuisoqatigiinni ilaasortatut siunnersuutigineqartut akuersissutigineqarput kiisalu ileqqoreqqusamut allannguutissatut siunnersuutit akuersissutigineqarlutik, suliarluk akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Sumiiffiit Aqquserngillu Taaguutaannik Siunnersuisoqatigiinni ilaasortatut siunnersuutigineqartut akuersissutigineqassasut
- ileqqoreqqusap allannguutai akuersissutigineqassasut
- suliaq Kommunalbestyrelsimut akuersissutigisassanngorlugu ingerlateqqinneqassasooq

### **Suliassamik saqqummiussineq**

Sumiiffiit Aqquserngillu Taaguutaannik Siunnersuisoqatigiinni ilaasortat Kommunalbestyrelsimit toqqarneqarnikut ukiuni marlunni atuutereerput.

Sumiiffiit Aqquserngillu Taaguutaannik Siunnersuisoqatigiinni ileqqoreqqusami § 3, imm. 2-mi allaqqavoq: *“Ilaasortat kommunalbestyrelsemit toqqarneqartut ukiuni marlunni atuuttussatut toqqarneqassapput, qinigaaqqittoqarsinnaavorlu.”*

Sumiiffinnik Aqquserngillu Taaguutaannik Siunnersuisoqatigiinni ilaasortarusuttut tamarmik pissarsiarineqarput. Siunnersuisoqatigiit inissitsiterlutik ataatsimiinnissaat upernaaru piumaarpoq.

Suliffeqarfimmut Kiffartuussivik siunnersuisoqatigiinni allattaanermut atorfik ukiut marluk ingerlatereerlugu oktobari 2020 Sanarfinermut Avatangiisinullu Ingerlatsivimmut tunniunneqarpoq, suliassanut ataqatigiissaarineq eqaannerulernissaa qulakkeerniarlugu.

### *Aaqqiissutissatut siunnersuut – suliatigut naliliineq*

Siunnersuisoqatigiinni ilaasortassatut innersuussutigineqartut ukuupput:

- Lisathe Kruse Møller, Oqaasileriffimmi Immikkut Siunnersorti
- Frederik Holm, Illussanik Titartaasartuq Nuummilu innuttaq
- Tittus Dalager, Sanarfinermut Avatangiisinullu Ingerlatsivimmi atorfilik
- Johannes Heilmann, NAPP-miit aallartitaq
- Jakob Mølgaard, Sunngiffimmi Aalisarnermut Piniarnermullu peqatigiiffimmiit aallartitaq
- Hans Lange, Katersugaasivilerisoq, Nunatta Katersugaasivia

Taamatutaaq Sumiiffiit Aqquserngillu Taaguutaannik Siunnersuisoqatigiinnut ileqqoreqqusami allannguutissat suliarineqartut:

Suliffeqarfimmi Kiffartuussivik allaqqanera Sanarfinermut Avatangiisinullu Ingerlatsivimmut allanngorneqarluni.

Ileqqoreqqusami '§ 7-mi aalajangiinermut imaqarniliaq allanngortinneqarluni: Imaqarniliatut siunnersuut ataatsimiinnerup kingorna ullut qulit qaangiutsinnagit ilaasortanut nassiunneqartassaaq. Imaqarniliatut siunnersuut ataatsimiinnermi tullermi oqaluuserineqarlunilu akuerineqartassaaq.

### *Aningaasatigut sulisoqarnikkullu naliliinerit*

Ataatsimiinnermi sutugassanut aningaarsartuuteqarumaarpoq taakkulu ingerlatsivimmi missingersuutinit akilerneqartassapput.

### *Inatsisitigut tunngavissaq allakkallu tunngaviusumik uppersaatitallit*

- o Kommuneqarfik Sermersuumi Sumiiffinnik Aqquserngillu Taaguutaannik Siunnersuisoqatigiit ileqqoreqqusaat
- o Kommunit aqunneqarnerat pillugu Inatsisartut inatsisaat nr. 29 17. november 2017-meersoq (aqutsinermik inatsit)
- o Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq (suliassamik isumaginninnermut inatsit)

### *Ingerlariaqqinnissaq*

Siunnersuisoqatigiit inissitsilerlutik ataatsimiinnissaat upernaaru piumaarpoq. Sanarfinermut Avatangiisinullu Ingerlatsivik ataatsimiigiaqqusisuussaaq, aammalu Sumiiffinnik Aqquserngillu Taaguutaannik Siunnersuisoqatigiinnut allatsitit suliaqassalluni.

### **Aningaasaqarnermut Allatseqarfimmit oqaaseqaatit**

Attuumassuteqanngilaq.

### **Innuttaasunik peqataatitsineq/attaveqaatigiinneq**

Siunnersuisoqatigiit kalaallisut taaguutinik qitiutitsilernissamut qarasaasiakkut attaveqaatit, soorlu nittartagaq Facebookilu atorlugit pilersitsisinnaavoq.

### **Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

### **Oqaaseqaatigineqartut allat**

Soqanngilaq.

### **Siusinnerusukkat aalajangerneq**

*Kommunalbestyrelsen aalajangernera 10. april 2018:*

Inassuteqaatit akuerineqarput, imannak oqaasertalerlugit: Ileqqoreqqusap Sumiiffinnik Aqquserngillu Taaguutaannik Siunnersuisooqatigiinni akuersissutigineqarnissaa pisariaqanngilaq, Kommunalbestyrelsi ileqqoreqqusamit akuersisuusussaammat.

*Kommunalbestyrelsip aalajangernera 25. februaari 2020:*

Inassuteqaat akuersissutigineqarpoq.

*Sanarfinermut Avatangiisinullu Ataatsimiititap decembarip arfineq-aappaanni 2020-mi aalajangiinera:*

Inassuteqaat akuersissutigineqarpoq.

## **Ilanngussaq**

1. Sumiiffiit Aqquserngillu Taaguutaannik Siunnersuisooqatigiinnut ileqqoreqqusaq

## **Punkt 05I: Ittoqqortoormiini atuartunut paaqqinnittarfik (AKO)**

### **Beslutning**

Inassuteqaat akuersissutigineqarpoq.

## **Ittoqqortoormiini atuartunut paaqqinnittarfik (AKO)**

Ittoqqortoormiini atuartunut paaqqinnittarfimmik pilersitsinissamat qinnuteqaat

Aalajangiiffigisassaq

J.nr.: EMN-2020-30239

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Ittoqqortoormiini meeqqanut 1-3. klassiniittunut angajoqqaat kommunip atuartunut paaqqinnittarfiutissaanik pilersitsisoqassasoq kissaatigaat. Meeqqat massakut atuarfimmit ungasissumi namminersortunit neqeroorummiittarput. Meeqqat namminersortunit neqeroorummit atuarfimmit ungasissumit nammineq pisullutik angerlartarnerminni isumannaassusaat angajoqqaat ernumassutigaa. Annermik ukiukkut taartillugu, qianartillugu nannullu amerlasuut sumiiffimmiitillugit.

Suliaq Meeqqanut Atuarfeqarnermullu Ataatsimiititap decembarip 04-anni 2020-mi ataatsimiinnerani oqaluserineqarpoq, ataatsimiititalu inassuteqaat akuersissutigaa suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut akuersissutigisassanngorlugu ingerlateqqillugu.

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- Meeqqanut 1.-3. klassiniittunut kommunimi paaqqinnittarfimmik pilersitsisoqassasoq
- Ukiuq manna sulisunut akissarsiarinneqartussat Ejnar Mikkelsenilaa Aluarpianut missingersuutinit pissarsiarineqassasut
- suliaq akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Ittoqqortoormiini 1-3 klassini meeqqanik 26-nik atuartoqarpoq. Kommunip atuareermermi paaqqinnittarfiutaanik neqerooruteqanngilaq taamaattumillu meeqqat namminersortut meeqqeriviutaanni atuarfimmit ungasissumiittumi paarineqartarput.

Namminersortut neqeroorutaannut aqqu ukiukkut qianartarpoq, qianarluni toqqissisimanaranilu. Akulikitsumik pisartumik nannunik sumiiffimmiittoqarsimatillugu angajoqqaat annermik meeqqaminnut ernumassuteqartarsimapput.

Taamaattumik piaarnerpaamik neqeroorummik pilersitsisoqarnissaa annertuumik kissaatigineqarpoq.

Init atuarfiup naqqata ataaniittut massakut klubbetarfiittut atorneqartartut atuartunut paaqqinnittarfimmut atorneqarsinnaanerit periarfissaavoq. Klubbi ininut sissamiittunut nuunneqarsinnaavoq massakkorpiarlu Iserit tamatuminnga siunertalimmik misissuivoq.

Atuarfiup pisortaata atuartunut paaqqinnittarfimmik novembarip aallaqqaataaniilli aallartitsissaguni namminerminut missingersuutini sulisunik atorfinitsitsinissamat aningaasat pissarsiarisinnavaai. 2021-mili januaarip aallaqqaataani kvartalimut siullermut ilassutitut aningaasaliiffigineqarnissamik qinnuteqaateqarnissamat atatillugu pisortamik sulisunillu marlunnik atorfinitsitsinissamat aningaasanik qinnuteqartoqassaaq.

### *Aaqqiissutissatut siunnersuut – suliatigut naliliineq*

Meeqqanut Atuarfeqarnermullu Ingerlatsivik 1 – 3 klassini atuartunut paaqqinnittarfimmik aallartitsisoqarnissaanik angajoqqaat kissaateqarnerannut paasinnippoq.

Pisoq massakkutut itsillugu naammaginaranilu meeqqanut angajoqqaanullu toqqiissisimanangilaq. Nannut sumiiffimmiikkajuttarput meeqqallu 1-3 klassiniittut ulorianarsinnaasumik pisoqarnerani iliuuseqarnissaminnut mikivallaarput. Taamaattumik meeqqat paarineqassagunik ungasissumut pisoqqaartannginniassammata kommunimit neqeroorummik atuarfimiittumik pilersitsisoqassasoq innersuussutigineqarpoq.

### *Aningaasatigut sulisoqarnikkullu naliliinerit*

Ukiumi matumani sulisut pingasut akissarsiassa at Itoqqortoormiini atuarfiup aningaasaliiffigisinnaavai. Sulisunut pingasunut ukiumoortumik aningaasartuutissat 640.000 koruunit missaanniipput. Atuartunut paaqqinnittarfiup 2021-mi aningaasalerneqarnissaa sunngiffimmi aaqqiissuussinermut aningaasaliissutinit nuutsinikkut pisinnaavoq.

### *Inatsisitigut tunngavissaq allakkallu tunngaviusumik uppersaatitallit*

- Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersoq
- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

### *Ingerlariaqqinnissaq*

Ukioq manna aningaasaliissutissat atuarfimmut missingersuutinit pissarsiarineqarsinnaammata, atuartunut paaqqinnittarfik 2020-mi novembarip aallaqqaataani aallartinneqarsinnaaleriissaaq.

### **Aningaasaqarnermut Allatseqarfimmit oqaaseqaatit**

Pingaarteqanngilaq.

### **Innuttaasunik peqataatitsineq/attaveqaqatigiinneq**

Innuttaasut peqataatinerat pisimavoq, ingerlaavartumik atuartut nukarlerni atuartuusut angajoqqaavi oqaloqatigiinnermik peqataatinerisigut.

### **Ingerlatsivinnit allaniit oqaaseqaatigineqartut**

Oqaaseqaateqanngilaq.

### **Siusinnerusukkut aalajangernerit**

*Meeqqanut Atuarfeqarnermullu Ataatsimiititap 04 decembari 2020-mi aalajangernerit:*

Inassuteqaat akuersissutigineqarpoq.

### **Ilanngussat**

Soqanngilaq.

## **Punkt 05J: Kapisilinni atuartunut paaqqinnittarfik (AKO)**

### **Beslutning**

Inassuteqaat akuersissutigineqarpoq.

## **Kapisilinni atuartunut paaqqinnittarfik (AKO)**

Kapisilinni atuartunut paaqqinnittarfimmik pilersitsinissamat qinnuteqaat

Aalajangiiffigisassaq

J.nr: EMN-2020-30240

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Kapisilinni atuartut pingasut atuartunut paaqqinnittarfimmik amigaateqarput. Taamaattumik perorsaasumik sulisulimmik neqeroorummik pilersitsivigineqassasut kissaatigineqarpoq. Ulluunerani meeqqanik paarsisarfirmi massakut meeqqamik ataasiinnarmik inoqartumi atortorissaarutit atorineqarsinnaapput.

Atuartunut paaqqinnittarfik nal.11:00-17:00 ammasassaaq

Suliaq Meeqqanut Atuarfeqarnermullu Ataatsimiititap decembarip 04-anni 2020-mi ataatsimiinnerani oqaluuserineqarpoq, ataatsimiititalu inassuteqaat akuersissutigaa suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut akuersissutigisassanngorlugu ingerlateqqillugu.

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- Kapisilinni ulluunerani meeqqanik paarsisarfirmik 1-3. klassinut atuartunut paaqqinnittarfimmik pilersitsisoqassasoq
- ukioq manna sulisumut akissarsiaritinnegartussanut aningaasaliinissaq Meeqqanut Atuarfeqarnermullu Ingerlatsiviup missingersuutaanit nuussinikkut pissasoq
- suliaq akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Kapisillit atuarfianni meeqqat pingasuusut: Marluk arfineq marlunnik ukiullit ataaserlu arfinilinnik ukiulik atuareernerup kingorna atuartunut paaqqinnittarfimmik pisariaqartitsipput. Siusinnerusukkat anaanaminnik paaritinnikkunik angerlarsimaffiminni kisimiittarsimapput. Aaqqiissut tamanna naammaginarunnaarmat atuartunut 1-3 klassinut atuareernerup kingorna atuartunut paaqqinnittarfimmik pilersitsisoqassasoq qinnuteqaatigineqarpoq.

Meeqqeriviup meeqqamik ataasiinnarmik inoqarnera pissutigalugu ulluunerani meeqqanik paarsisarfik inissatut aallarniutit atorneqarsinnaavoq.

Ungasinnerusooq eqqarsaatigalugu meeqqat katersortarfimmi massakut iluarsartuunneqartumiissapput.

### ***Aaqqiissutissatut siunnersuut – suliatigut naliliineq***

Meeqqanut Atuarfeqarnermullu Ingerlatsivik atuartunut paaqqinnittarfimmik aallartitsisoqarnissaanik angajoqqaat kissaataateqarnerannik paasinnippoq. Tamatumani ulluunerani meeqqanik paarsisarfiup inii atorluarneqarsinnaapput. Perorsaasumik akunnermusialimmik meeqqanik pingasunik paarsinerminut kommunimit akissarsiaqartinnegartussamik atorfinitsitsisoqassaaq. Aammattaaq atuarfiup sulisoq ullaap tungaani pisariaqartitsineq malillugu taartaasartut atortassavaa.

*Aningaasatigut sulisoqarnikkullu naliliinerit*

Ukioq manna sulisumut akissarsiaritineqartussanut aningaasaliissutissat atuarfimmu angelarsimaffinnilu paaqqinninnermut aningaasaliissutit nuutsiterneqarnerisigut pissarsiarineqassapput.

*Inatsisitigut tunngavissaq allakkallu tunngaviusumik uppersaatitalit*

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersoq

Meeqqanut sulit atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

**Ingerlariaqqinnissaq**

Sulisut akissarsiassaannut meeqqallu nerisinneqarnissaannut ukioq manna aningaasaliissutissat ingerlatsiviup missingersuutaanit nuussinikkut pissarsiarineqassammata, Atuartunut

Paaqqinnittarfik 2020-mi novembarip aallaqqaataani aallartinneqassaaq. 2021-mi

aningaasaliissutissat angelarsimaffinni paaqqinninnermit nuutsiterinikkut pissarsiarineqassapput.

Tamanna 2021-mut TB1-imik qinnuteqarnermi pissaaq.

**Aningaasaqarnermut Allatseqarfimmit oqaaseqaatit**

Pingaaruteqanngilaq.

**Innuttaasunik peqataatitsineq/attaveqaqateqarneq**

Attuumassuteqanngilaq.

**Ingerlatsivinnit allaniit oqaaseqaatigineqartut**

Oqaaseqaateqanngilaq.

**Siusinnerusukku aalajangernerit**

*Meeqqanut Atuarfeqarnermullu Ataatsimiititap 04 decembari 2020-mi aalajangernera:*

Inassuteqaat akuersissutigineqarpoq.

**Ilanngussat**

Soqanngilaq.

## **Punkt 05K: 2021-mi Suliat allaaserineqarneri**

### **Beslutning**

Inassuteqaat akuersissutigineqarpoq.

### **Bilag**

2021-mi Suliat allaaserineqarneri

## 2021-mi Suliat allaaserineqarneri

Aalajangiiffigisassaq

J.nr.: EMN-2020-27557

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

### **Suliassamik eqikkaaneq**

Suliat allaaserineqarneri ukiut tamaasa nutarterneqartassapput politikkikkullu akuerineqarlutik. Suliat allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat neqeroorutinut eqquunnersut aamma politikkikkut anguniakkanut naapertuuttuunersut qulakkeerneqartartussaapput.

Suliaq Suliffeqarfinnermut Isumiginninnermullu Ataatsimiititami 08. decembari 2020-imi oqaluuserineqarpoq, ataatsimiititallu inassuteqaat akuersissutigaa suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqillugu.

### **Inassuteqaat**

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassutigaa:

- 2021-mi Suliassat allaaserineqarnerat akuerineqassasut
- suliaq Kommunalbestyrelsimut akuersissutigisassanngorlugu ingerlateqqinneqassasoq

### **Suliassamik saqqummiussineq**

Suliat allaaserineqarneri tassaapput Isumaginninnermut Suliffeqarnermullu Ingerlatsivimmi innuttaasunut neqeroorutit innersuussutigineqarnerisa ataatsimut takussutissartai. Ingerlatsivimmit innuttaasunut sunik neqerooruteqartoqarnerisat ersarissumik sulisunut innuttaasunullu ersarissunngorlugit pigineqassasut suliat allaaserineqarnerisa siunertarivaat. Assigiissumik kiffartuussinermik ersarissuunermillu qulakkeerinntuussapput.

Ilassuteqaatit allannguutillu annertunerit Suliffeqarnermut aammalu Timikkut Tarnikkullu innarluutilinnut tunngasuupput.

### *Aaqqiissutissatut siunnersuut – suliatigut naliliineq*

2020-mi suliat allaaserineqarnerinut ilanngussaqaartoqarpoq. Tulliuttuni aaqqiissutit pingaarnerit allaaserineqarput.

### Ataatsimut isigalugu

- Suliat allaaserineqarneri ingerlatsivimmi neqeroorutigineqartunut eqquutsinneqarniassammata naleqqussarneqarsimapput.
- Naammagittaalliorsinnaanermut ilitersuutit misissorneqareerput nutarterneqareerlutillu.

### Inunnut innarluutilinnut aamma Tarnimikkut nappaatilinnut Immikkoortortaqarfik

- Sullissinerit nutaat allaaserineqareerput; assersuutigalugu nammineq angerlarsimaffimmi tapersersorneqarneq, tapersersuineri tiimit aammalu ingiaqataasartunut aaqqiissuussineq. Sullissinerni inatsisit najoqqutassat misissorneqareerput nutarterneqareerlutillu.

### Utoqqarnut tunngasut

- Utoqqarnut tunngasuni suliat allaaserineqarnerini arlalinni oqaaseqatigiit iluarsineqarput, taamaalilluni suliffeqarfiit immikkut innersuussutaajunnaarlutik, taarsiulluguli sullissineq ukkatarineqarluni.

#### Suliffeqarnermut tunngasut

- Suliffeqarnermut tunngasuni suliat allaserineqarneri ilanngunneqarput, suliassaqarfimmi tassani suliassanik arlalinnik allaaserinniffiusut.

#### Oqartussaaffeqarfik

- Inunnut innarluutilinnut inatsit naapertorlugu tapersorsorneqarnissamik qinnuteqaatit tamarmik suliarineqarnissaannut piffissaliussat ilassutigineqarput.

Suliat allaaserineqarnerat politikkikkut sakuuvoq kiffartuussinermik ersarissunngortitsisoq qulakkeerisuusorlu. Kiffartuussinerup politikkikkut akuerisaasup innuttaasut ilimagisaannut naleqqussarneqarnera napertuuppoq

Suliat allaaserineqarneri assigiissarneqaraluartut illoqarfinni sumiiffinnilu assigiinngitsuni ilinniarsimasunik atorfinitsitsiniarnerup ajornakusoornera peqqutigalugu assigiinngitsuunissaat ingerlatsivimmit qularutigineqanngilaq. Piumasaqaataasut sapinngisamik pitsaanerpaamik naapertuutsinniarlugit suliat allaaserineqarneri pillugit ilinniartitsinissaq immikkut iliuuseqarfigineqassaaq.

*Aningaasatigut sulisoqarnikkullu naliliinerit*  
Soqanngilaq.

*Inatsisitigut tunngavissaq allakkallu tunngaviusumik uppersaatitaliit*

- o Sulissat allaaserineqarneri inatsisinik atuuttunik aallaaveqarput. Kiffartuussinerni ataasiakkaani inatsit atuuttoq tunngavigineqartoq allassimavoq.

*Ingerlariaqqinnissaq*

Allannguutit akuersissutigineqassappata allaaserineqarnerit iluarsisat malillugit ingerlatsiviup suliffeqarfii sulissapput.

Suliat allaaserineqarnerisa kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

#### **Innuttaasunik peqataatitsineq/attaveqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Oqaaseqaateqartoqanngilaq.

#### **Siusinnerusukkut aalajangerit**

*Suliffeqarnermut Isumaginninnermullu Ataatsimiititap 08. decembari 2020-mi aalajangiinissaa naatsorsuutigineqarpoq:*

Inassuteqaat akuersissutigineqarpoq

#### **Ilanngussat**

1. 2021-mi Suliat allaaserineqarneri

## **Punkt 6: Taasariaqartut allat**

### **Beslutning**

Peter Davidsen (S):

Percida Lundip toqunerani kissaatigineqarpoq oqaaseqaammik suliaqartoqarnissaa. Kommunalbestyrelsip ataatsimiittarfiani Gobeline-mik suleqataasimaneranut Kommunip qujassuteqarnissaa kissaatigaa.

Paamiuni Kalaalliaqqap atorneqarnerani akileraartoqartarmat, Nuummilu akileraartoqassasani piffinni tamani tamakkiisumik aqqiissoqarnissaata tungaanut utaqqiisaamik assigiimmik aqqiissoqarnissaa kissaatigaa.

## **Punkt 7: Lukket**

## **Punkt 07A: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 15.32